

Turkiston

1925-yildan chiqqan boshlagan

«Kamolot» yoshlar ijtimoiy harakati Markaziy Kengashining nashri

www.turkiston.uz

2014-yil 6-dekabr, shanba № 98 (15840)

МАМЛАКАТИМИЗНИ ДЕМОКРАТИК ЯНГИЛАШ ВА МОДЕРНИЗАЦИЯ ҚИЛИШГА ҚАРАТИЛГАН ТАРАҚҚИЁТ ЙЎЛИМИЗНИ ҚАТЪИЯТ БИЛАН ДАВОМ ЭТТИРИШ — БОШ МАҚСАДИМИЗДИР

Президент Ислом Каримовнинг Ўзбекистон Республикаси Конституцияси қабул қилинганининг 22 йиллигига бағишланган тантанали маросимдаги маърузаси

Қадрли дўстлар!

Муҳтарам юртдошлар!

Шу кунларда Ватанимиз учун мустақил, эркин ҳаёт кечириш, уни тараққий топган демократик давлатлар қаторига кўтариш йўлининг асосий принцип ва қоидаларини муҳраб берган Ўзбекистон Республикаси Конституциясини қабул қилганимизнинг 22 йиллигини байрамона нишонламоқдамиз.

Тарихимизда чуқур из қолдирган ана шу буюк сана билан сиз, азизларни, сизларнинг тимсолингизда бутун халқимизни чин қалбимдан самимий табриклаш, барча-барчангизга чуқур ҳурмат-эҳтиромимни изҳор этиш мен учун катта бахтдир.

Конституциямизда белгилаб берилган асосий мақсадларимиз барчамизга яхши маълум. Яъни, Бош қомусимиз бозор иқтисодиётига асосланган мустақил демократик давлат қуриш, инсон манфаатлари, ҳуқуқ ва эркинликлари, қонун устуворлиги ва мамлакатимиз барча фуқаролари учун қонун олдида тенглик тамойили таъминланадиган фуқаролик жамиятини шакллантиришнинг мустаҳкам пойдеворини яратиб берди.

Собиқ Иттифок, СССР деган империя паро-

канда бўлиб, тарқалиб кетганидан сўнг, ўта таҳликали бир замонда биз “шок терапияси” каби моделларнинг номақбул шаклларида бутунлай воз кечганимиз — шуни таъкидлашимиз зарур — ўта муҳим ва ҳал қилувчи қадам бўлди.

Ўзбекистонимизга мос тарихий, миллий, анъанавий ва иқтисодий вазият ва хусусиятларни инобатга олмасдан туриб, “бозор иқтисодиётининг шиддатли гирдобига ўзингни ташласанг, унинг ўзи кўзланган манзилга олиб чиқади” деган хомхаёллардан бутунлай воз кечдик. Ва бугунги кунда бутун дунёда тан олинган, “ўзбек модели” деб ном олган жамиятимизни тубдан ислоҳ этиш, эркинлаштириш, демократик янги давлат қуриш, уни модернизация қилиш бўйича пухта ўйланган тараққий йўлимизни танлаб олдик.

Тақдиримиз ҳал бўлаётган ўша оғир пайтда қанча сохта доҳийлар майдонга чиққани, қандай кескин тортишувлар бўлгани, таъйиқ ва зўравонлик ишлатилгани, ёш давлатимиз кемасини ағдаришга турли уринишлар содир этилгани сизларга яхши маълум, деб ўйлайман.

(Давоми 2-саҳифада)



МЕҲР ВА ИШОНЧ ТИМСОЛИ

Конституциямизнинг 22 йиллиги арафасида мамлакатимиз ижтимоий-сиёсий ҳаётидаги фаоллиги, фидойилиги билан намуна кўрсатаётган бир гуруҳ ёшларга «Ўзбекистон белгиси» кўкрак нишони топширилди.

Мукофотланганларни тақдирлаш маросими пойтахтимиздаги «Туркистон» саройида бўлиб ўтди. Тадбирда қатор вазирлик ва идоралар, жамоатчилик вакиллари, «Камолот» ёшлар ижтимоий ҳаракати етакчилари иштирок этди.

(Давоми 7-саҳифада)

“Ўзбекистон” халқаро анжуманлар саройида 5 декабрь куни Ўзбекистон Республикаси Конституцияси қабул қилинган куннинг йигирма икки йиллигига бағишланган тантанали йиғилиш бўлиб ўтди. Унда давлат ва жамоат арбоблари, фан, маданият ва санъат намояндалари, пойтахт жамоатчилиги, мамлакатимизда фаолият кўрсатаётган хорижий давлатларнинг элчихоналари ва халқаро ташкилотлар ваколатхоналари вакиллари иштирок этди.

ОЗОД ВА ФАРОВОН ҲАЁТИМИЗНИНГ ҲУҚУҚИЙ АСОСИ

Йиғилишни Тошкент шаҳар ҳокими Р.Усмонов очди.

Ўзбекистон Республикаси Давлат маҳкуми янгради.

Ўзбекистон Республикаси Президенти Ислом Каримов тантанали йиғилишда маъруза қилди.

Давлатимиз раҳбари Конституциямизнинг асосий қоидалари, тамойил ва мақсадлари мамлакатимизда яратилган ва самарали фаолият кўрсатаётган мукамал қонунчилик ва ҳуқуқий базанинг, бутун дунёда “ўзбек модели” деб ном қозongan жамиятимизни ислоҳ этиш, демократлаштириш ва эркинлаштириш, таркибий туб ўзгаришлар ва мамлакатимизни модернизация қилиш бўйича пухта ўйланган узоқ муддатли дастурнинг асосини ташкил этишини алоҳида таъкидлади.

Бундан 22 йил аввал демократик тамойиллар асосида қабул қилинган Асосий қонунимиз мамлакатимизда янги жамиятнинг ҳуқуқий кафолатларини шаклланди.

тирди ва мустаҳкамлади.

Мамлакатимиз истиқлолнинг дастлабки йиллариданоқ белгилаб олган бозор иқтисодиётига йўналтирилган демократик давлат қуриш, инсон ҳуқуқ ва эркинликлари, қонуний манфаатларини таъминлаш, одил фуқаролик жамияти барпо этиш каби улғувор мақсадларга эришишда Конституциямиз ҳуқуқий асос бўлиб хизмат қилмоқда.

Халқимиз истиқлол йилларида эришган бетимсол ютуқлар, тинч-осойишта, тўкин ва фаровон ҳаётимиз, навқирон авлоднинг ҳар жиҳатдан соғлом ва баркамол инсонлар этиб вояга етказиш — буларнинг барчаси негизда Конституциямиз турибди. Зеро, Асосий қонунимиз демократик ҳуқуқий давлат барпо этиш, инсон ҳуқуқлари устуворлигини, тинчлик-осойишталикни таъминлашдек улкан мақсадларга эришишнинг муҳим кафолатидир.

(Давоми 5-саҳифада)

ВАТАНИМИЗНИНГ ЮКСАК МУКОФОТЛАРИ ТОПШИРИЛДИ

Президентимиз Ислом Каримов 5 декабрь куни Оқсаройда бир гуруҳ юртдошларимизга Ватанимизнинг юксак мукофотларини топширди

Давлатимиз раҳбарининг фармонларига мувофиқ Ўзбекистон Республикаси мустақиллигининг 23 йиллиги арафасида мамлакатимиз иқтисодий салоҳиятини юксалтириш ва ислоҳотларни муваффақиятли амалга оширишга катта ҳисса қўшган, эл-юртимиз тинчлиги ва осойишталигини янада мустаҳкамлашда фидойилик кўрсатган, жамиятимизнинг ижтимоий-иқтисодий, илмий-техник ва маънавий-маърифий ҳаётида алоҳида эътиборга сазовор бўлган бир гуруҳ юртдошларимиз давлат мукофотлари — фахрий унвонлар, орден ва медаллар билан тақдирланган эди.

Оқсаройда 5 декабрь куни ана шу юксак мукофотларни тантанали топшириш маросими бўлди.

— Авваламбор, сиз, азизлар билан бугун мана шундай яхши кайфиятда шу муҳташам залда кўришганимдан, сизларга ўзимнинг юксак ҳурмат-эҳтиромимни изҳор этишдан хурсандман, — деди Ислом Каримов. — Сизларга маълумки, одатга айланиб қолган анъанага кўра, ҳар йили Конституция куни арафасида Вата-

нимизнинг юксак унвон, орден ва медалларига сазовор бўлган юртдошларимиз билан учрашиб, уларни шу буюк сана билан табриклаш, ана шу мукофотларни топширишни ўзим учун ҳақиқатан ҳам катта шараф, деб биламан.

Шу билан бирга, сиз, азизлар қатори давлат мукофотлари билан тақдирланган барча ватандошларимни ғойибона бўлса ҳам бағримга босиб, муборақбод этиш менга чуқур мамнуният етказди, қувончимга қувонч бағишлайди.

Биз жаҳондаги энг ривожланган давлатлар қаторига кириш, халқимизнинг ҳаёт даражаси ва сифатини ошириш, халқаро майдонда Ватанимизнинг обрў-эътиборини юксалтириш каби олий мақсадларни ўз олдимизга қўйганмиз. Ана шу йўлда барчамиз бир ёқадан бош чиқариб, белимизни маҳкам боғлаб, олдимизга қўйган вазифаларни амалга ошириш, марраларни эгаллашга барча кучимизни сафарбар қилишга интилоқдамиз, деди Президентимиз.

Бунинг тасдиғини охириги 10 йилда дунёдаги камдан-кам

давлатлар қаторида Ўзбекистонимизда ялпи ички маҳсулотнинг ўсиши 8 фоиздан кам бўлмасдан келаётгани мисолида кўриш мумкин. Жаҳонда ҳамон давом этаётган иқтисодий инқироз оқибатида кўпгина давлатларда иқтисодий ўсиш пасайиб, ҳатто ривожланишдан тўхташ ҳолатлари юз бераётган бир пайтда мамлакатимизнинг изчил ва барқарор ривожланиб бораётгани, янги — 2015 йилда ҳам бундай ўсиш сурьатлари давом этиши қутилаётгани барчамизга ғурур ва ифтихор бағишлаб, кўпгина давлатларнинг ҳаваси ва ҳайратини уйғотмоқда.

Иқтисодиётимизнинг барча тармоқ ва соҳаларида илгари мисли кўрилмаган натижаларга эришмоқдамиз. Қишлоқ хўжалигини оладиган бўлсак, миришкор деҳқонларимиз бу йилги мавсумда табиий ва иқлим қийинчиликларига, сув тақчиллигига қарамасдан, қаҳрамонона меҳнат қилиб, 8 миллион 50 минг тонна галла, 3 миллион 400 минг тоннадан зиёд пахта хирмони бунёд этгани, барча қишлоқ хўжалиги экинларидан мўл ҳосил етиштиргани ҳар қандай таҳсин ва тасаннога муносибдир, деди Юртбошимиз.

(Давоми 5-саҳифада)

МАМЛАКАТИМИЗНИ ДЕМОКРАТИК ЯНГИЛАШ ВА МОДЕРНИЗАЦИЯ ҚИЛИШГА ҚАРАТИЛГАН ТАРАҚҚИЁТ ЙЎЛИМИЗНИ ҚАТЪИЯТ БИЛАН ДАВОМ ЭТТИРИШ — БОШ МАҚСАДИМИЗДИР

(Давоми, бошланиши
1-саҳифада)

Лекин бундай уринишлар, ҳаракат ва хуружларнинг пучга чиққанини, биз танлаган тараққиёт стратегиясининг нақадар тўғри бўлганини ҳаётнинг ўзи яна ва яна бир бор тасдиқлаб бермоқда.

Шу фурсатдан фойдаланиб, сиз, азизлар, сизларнинг тимсолнингизда бутун халқимиз айнан ўзимизга хос, ўзимизга мос бўлган, “ўзбек модели” деб эътироф этилган ривожланиш йўлимизни кенг қўллаб-қувватлагани учун яна бир бор ўзимнинг чуқур миннатдорлигимни билдириш, сизларнинг олдингизда, эл-юртимиз олдида таъзим қилишни ўзим учун ҳам қарз, ҳам фарз, деб биламан.

Биз танлаган ва машҳур беш тамойилга асосланган тараққиёт моделининг нақадар ҳаққоний ва самарали экани биз қураётган янги демократик тизимда, иқтисодиётимиз ривожланишининг барқарор, барчани ҳайратда қолдираётган суръатларида, халқимизнинг ҳаёт даражаси ва сифати ортиб бораётганида ўзининг амалий тасдиғини топмоқда.

Ўтган даврда биз дуч келган оғир синов ва муаммоларга қарамасдан, мустақиллик йилларида Ўзбекистон иқтисодиёти қарийб 5 баробар, аҳоли даромадлари жон бошига ўртача 8,7 баробар ўсганини, мамлакатимиз аҳолиси бу даврда 1,5 марта кўпайиб, 2015 йилнинг 1 январидан 31 миллион 500 минг кишини ташкил этишини инobatга оладиган бўлсак, бундай улкан натижаларга эришганимизни, очиғини айтганда, баъзан тасаввур қилишнинг ўзи ҳам қийин.

Бугунги кунда мамлакатимизнинг ташқи қарзи ялпи ички маҳсулотга нисбатан 15 фоиздан ошмаслиги, ички қарзимиз умуман йўқлиги, экспорт ҳажми, олтун-валюта захираларимиз барқарор суръатлар билан ошиб бораётганида ҳам эришган улкан натижаларимиз исботини кўриш, кузатиш қийин эмас.

Жаҳон миқёсидаги глобал иқтисодий инқироз ҳали-бери давом этаётганига қарамасдан, дунёнинг санокли давлатлари қаторида Ўзбекистонда ялпи ички маҳсулотнинг йиллик ўсмиш суръатлари сўнгги 10 йил давомида 8 фоиздан зиёд бўлиб келмоқда. Янги – 2015 йилда ҳам ана шундай юксак ўсиш суръатлари кўзда тутилмоқда.

Қадрли ватандошларим!

Мамлакатимизда амалга оширилаётган оламшумул ўзгаришлар, шаҳар ва қишлоқларимизнинг қиёфаси тобора чирой очиб, аҳолимизнинг фаровонлиги юксалиб бораётгани ҳақида гапирганда, бундай янгилашниларнинг гоёат муҳим манбалари – аввало, одамларимизнинг онгу тафаккури, дунёқараши ва кайфияти тубдан ўзгариб, уларнинг ён-атрофимизда рўй бераётган воқеа-ҳодисаларга дахлдорлик ҳисси, эртанги кунга муносабати ва ишончи тобора мустаҳкамланиб, сиёсий савияси ва ҳуқуқий маданияти ўсиб бораётгани ҳақида алоҳида тўхталишни ўринли деб биламан.

Шулар ҳақида сўз юритар эканмиз, биз бундан 17 йил олдин қабул қилган, қўлга киритилган барча ютуқ ва марраларимизнинг омили ва замини бўлган, ҳаммамизни, аввало, болаларимизнинг онгу тафаккурини, ҳаётга бўлган муносабатини тубдан ўзгартирган Кадрлар тайёрлаш миллий дастури ва иштиқобли мактаб дастури ҳақида

алоҳида тўхталиб ўтишимиз зарур, деб ўйлайман.

Эски тизимнинг қолип ва ақидаларидан холи бўлган, мустақил фикрлайдиган ва ҳаётга қарайдиган, Ватанимиз тақдири ва келажаги учун масъулиятни ўз зиммасига олишга қодир куч сифатида майдонга чиқаётган бугунги ёш авлодимиз айни шу дастурларнинг, биз амалга ошираётган тарбиявий ишларимизнинг маҳсули, десам, ҳеч қандай хато бўлмайди.

Азиз юртдошлар, эсингизда бўлса керак, бу дастурни қабул қилаётган пайтда биз вақти-соати келиб у албатта ижобий маънодаги “портлаш эффекти”га сабаб бўлади, деб ишонч билдирган эдик. Минг шукрки, ҳақиқатан ҳам, ҳаётимизни бутунлай ўзгартирган мана шундай дастуримизнинг, унда мужассам бўлган эзгу мақсадларимизнинг рўёбга чиққанини кўриш бизга насиб этди ва бу барчамизга катта гурур ва хурсандчилик бағишлаб, кўнглимизни тоғдек кўтаради, эртанги кунга бўлган ишончимизни янада мустаҳкамлайди.

Муҳтарам дўстлар!

Жаҳон тарихи барчамизга бир ҳақиқатни доимо эслатиб туради – ҳаётимиз тараққиёти ҳеч қачон бир жойда тўхтаб турмайди, худди шу каби жамиятимизни ислоҳ этиш ва демократлаштириш, мамлакатни модернизация қилиш ва янгилаш бир муддатлик иш эмас, балки мунтазам давом этадиган узлуксиз жараён-дир.

Айниқса, бугун биз XXI асрда – интеллектуал меҳнат билрамлаш аҳамият касб этаётган глобаллашув ва интернет асрида яшаётганимизни ҳисобга оладиган бўлсак, жаҳон бозорида рақобат курашининг миқёси ва кескинлиги тобора ортиб бораётгани бу ҳақиқатни яна тасдиқлаб бермоқда.

Бундан қандай хулоса чиқариш керак?

Жавоб битта: бундай шароитда фақат эришган ютуқлари билан чекланиб қолмасдан, жадал ўзгариб бораётган давр билан ҳамнафас бўлиб қадам ташлайдиган мамлакатгина ўз эзгу мақсадларига эришиши мумкин.

Ҳаётнинг ана шундай қатъий талабини қайд этган ҳолда, **биз танлаган мақсад, яъни тараққиёт топган давлатлар қаторига кириш, халқимиз ва келажак авлодимиз учун муносиб ҳаёт даражаси ва сифатини таъминлаш, халқаро ҳамжамиятда юксак обрў-эътиборга сазовор бўлиш йўлида биз амалга оширган ишларимиз эзгу ниятларимизга эришишнинг фақатгина бир қисми эканини англаб олишимиз даркор.**

Шунинг учун ҳам қўлга киритилган ютуқлар билан чегараланмасдан, хотиржамлик ва ҳаволаниш кайфиятига берилмаслигимиз, аксинча, янги марралар сари интилишимиз, доимо изланиб яшашимиз, тараққиёт ва янгилашниш йўлидан изчиллик билан янада илгарилаб боришимиз зарур.

Ана шу фикр ва хулосалардан келиб чиққан ҳолда, 2010 йилнинг ноябрь ойида Ўзбекистон Республикаси Олий Мажлиси палаталарининг қўшма йиғилишида **Мамлакатимизда демократик ислохотларни янада чуқурлаштириш ва фуқаролик жамиятини ривожлантириш концепциясини, бошқача қилиб айтганда, ўзимизнинг узоқ ва давомли муддатга мўлжалланган стратегиямизни қабул қилдик, десак, айни ҳақиқатни айтган бўламиз.**

Ўтган давр мобайнида Концепцияда белгилаб берилган 27 та қонун, ўнлаб меъёрий-ҳуқуқий ҳужжатлар қабул қилиниб, ҳаётимизга татбиқ этилмоқда.

Шулар қаторида, аввало, ҳар қандай демократиянинг асосий шартли бўлмиш ҳокимиятлар бўлинишининг конституциявий принциплари асосида туб демократик ўзгаришларни чуқурлаштириш бўйича ўзининг кўлами ва маъно-мазмунига кўра улкан ишлар амалга оширилди. Натижада Конституциямизга давлат ҳокимиятининг асосий субъектлари – мамлакат Президенти, парламенти, ҳукумати ва суд ҳокимияти ўртасида ваколатлар тақсимотини оптималлаштиришни таъминлашга қаратилган тузатиш ва ўзгартиришлар киритилди.

Ушбу тузатишлар ва улар асосида қабул қилинган қонунлар давлат ҳокимияти органлари тизимида Олий Мажлиснинг роли ва аҳамиятини сезиларли даражада кучайтирди, давлатимизнинг ички ва ташқи сиёсатини шакллантириш ва амалга оширишда мамлакатимиз олий қонунчилигининг имкониятларини кенгайтди. Шу билан бирга, Вазирлар Маҳкамаси, ижро ҳокимияти органлари фаолиятини ташкил этишнинг принциплари тартиби ўзгартрилди, ҳукуматнинг ваколатлари янада кенгайтирилди, унинг парламент олдида, жойлардаги давлат бошқаруви органларининг Халқ депутатлари кенгашлари олдидаги масъулияти оширилди.

Конституциявий қонунчиликка Бош вазир лавозимига номзодни Олий Мажлиснинг Қонунчилик палатасида энг кўп депутатлик ўрнини олган сиёсий партия томонидан тақдир этилиши каби муҳим институтлар киритилди.

Конституцияда парламентнинг ҳукуматга нисбатан ишонсизлик вотумини билдириш ҳуқуқи, барча ҳокимият тармоқларининг ҳуқуқлари тенглиги ва мутаносиблигини таъминлашга қаратилган бошқа кўплаб қоидаларга аниқлик киритилди.

Бош қомусимизда парламент ва жамоатчилик назорати институти, уни амалга ошириш механизмларининг мустаҳкамлангани ҳам ҳокимиятни демократик модернизация қилишда улкан аҳамият касб этди.

Сиёсий партияларнинг етуқлик даражаси, фуқароларимизнинг ҳуқуқий онги, сиёсий ва ҳуқуқий маданияти тобора юксалиб бораётгани, ҳеч шубҳасиз, ушбу конституциявий ислохотларнинг энг муҳим асоси, уларни амалга оширишнинг ҳал қилувчи шартли ва гаровига айланмоқда.

Дастлабки тергов ва суриштирув жараёнида фуқароларнинг процессуал ҳуқуқларига риоя этилиши устидан суд назоратини кучайтиришга доир комплекс чора-тадбирлар амалга оширилди. Судда жиноий ишларни кўриб чиқишда қонунийлик, адолатни таъминлашнинг ушбу самарали механизмининг изчил ривожлантирилган ҳолда, “Хабас корпус” институтини қўллаш доираси кенгайтирилди.

Илгари бу институт фақат қамоқда сақлаш каби процессуал мажбурув чораларига нисбатан қўлланигани эслатиб ўтмоқчиман. Эндиликда шахсни лавозимдан четлаштириш ва тиббий муассасага жойлаштириш ҳам фақат судьянинг санкцияси асосида амалга оширилиши мумкин.

Умумий юрисдикция судларининг таркибий тузилмаси ва фаолиятининг ташкилий асосларини такомиллаштириш,

уларнинг кадрлар салоҳиятини мустаҳкамлаш, суд ходимларини ижтимоий ҳимоя қилишни кучайтиришга доир чора-тадбирлар ҳам муҳим аҳамият касб этди. Ишларни кўриб чиқиш сифатини ошириш ва муддатларини қисқартириш мақсадида фуқаролик судлари сони кўпайтирилди, судья лавозимига номзодларга қўйиладиган талаблар кучайтирилди.

Ахборот соҳасини ислоҳ қилиш, сўз ва ахборот эркинлигини таъминлаш бўйича амалга оширилган демократик ўзгаришлар фуқароларнинг ахборот олиш ва уни тарқатиш борасидаги ҳуқуқ ва эркинликларини таъминлаш, оммавий ахборот воситаларининг мустақиллигини мустаҳкамлашга, мамлакатни демократлаштириш жараёнида уларнинг ролини оширишга хизмат қилмоқда.

Кенг миқёсда ўтказилган ҳуқуқий тажриба яқунлари асосида жорий 2014 йилда қабул қилинган, халқаро экспертлар ҳамжамиятида катта қизиқиш уйғотган ва юксак баҳоланган “Давлат ҳокимияти ва бошқаруви органлари фаолиятининг очиқлиги тўғрисида”ги қонун, ҳеч шубҳасиз, қабул қилинаётган қарорлар сифати учун ҳокимият ва бошқаруви органлари масъулиятини оширганини таъкидлашни истардим.

Юртимизда оммавий ахборот воситалари сони жадал ўсиб бормоқда. Бугунги кунда уларнинг сони 1991 йилга нисбатан 3,5 баробар, жумладан, газеталар 2,5 марта, журналлар эса 3,5 карра кўпайди.

Сайлов тизимини шакллантириш ва ривожлантириш соҳасида ҳам чуқур демократик ўзгаришлар амалга оширилди.

Асосий қонунимизнинг 117-моддасига киритилган сўнгги тузатишларга мувофиқ, Марказий сайлов комиссиясини демократик асосда шакллантириш тизими ва шунингдек, унинг асосий фаолият принциплари конституциявий жиҳатдан мустаҳкамланди, ҳокимиятнинг вакиллик органларига сайловларни ташкил этиш учун масъул бўлган сайлов органларининг бутун тизими мустақиллигининг кафолатлари кучайтирилди.

Ишончим комил, сайлов қонунчилигига киритилган, сайлаш эркинлиги ва ўз хоҳиш-иродасини эркин билдириш борасидаги конституциявий тамойилни амалга оширишга қаратилган ана шундай ва бошқа қатор ўзгариш ва қўшимчалар шу йил 21 декабрь куни Олий Мажлисга ҳамда маҳаллий кенгашларга бўлиб ўтадиган депутатлар сайловини Конституциямиз ва сайлов қонунчилиги ва ўз-ўзидан равшанки, халқаро демократик қонунчилик талабларига тўла мос тарзда ўтказиш имконини беради. Бунга ҳеч қандай шубҳа бўлмаслиги керак.

Сўнгги йилларда қабул қилинган меъёрий-ҳуқуқий ҳужжатлар нодавлат нотижорат ташкилотларини рўйхатга олиш, уларнинг фаолиятини ташкил этиш тартибини тубдан соддалаштиришни таъминлади, фуқароларнинг ўзини ўзи бошқариш органлари фаолиятининг ташкилий-ҳуқуқий асосларини янада такомиллаштирди.

Фуқароларга ҳуқуқий ёрдам кўрсатиш, уларнинг сиёсий онги ва тафаккурини юксалтириш, ёшлар ва хотин-қизлар билан ишлаш, ишга жойлаштириш, аҳолининг ёрдамга муҳтож қатламларини қўллаб-қувватлаш ва бошқа соҳаларда уларнинг роли

янада ошди.

Бугунги кунда мамлакатимизда жамиятимиз ҳаётининг турли соҳаларида 8 минг 100 дан зиёд нодавлат нотижорат ташкилоти фаолият кўрсатмоқда. Бу 2010 йилга нисбатан 1,6 марта кўпдир.

Иқтисодиётни демократлаштириш ва эркинлаштириш соҳасига, кичик бизнес ва хусусий тадбиркорликни қўллаб-қувватлашнинг самарали механизмлари яратишга алоҳида эътибор қаратилди. “Тадбиркорлик фаолияти соҳасидаги рухсат бериш тартиб-таомиллари тўғрисида”, “Рақобат тўғрисида”, янги таҳрирдagi “Тадбиркорлик фаолияти эркинлигининг кафолатлари тўғрисида”ги ва бошқа қонун ҳужжатларига мувофиқ тадбиркорлик фаолиятини юрutiш учун зарур рухсат бериш тартиб-таомилларининг рўйхати ва турлари изчил қисқартирилди.

Кейинги йилларда рухсат беришга оид тартиб-таомилларнинг 160 дан ортиғи ёки 44 фоизи, лицензиялаш талаб қилинадиган фаолиятнинг 19 тури ёки 25 фоизи бекор қилинганини айтишнинг ўзи кифоя, деб ўйлайман. Тадбиркорлик субъектлари томонидан давлат органларига тақдим этиладиган статистика, солиқ ва молиявий ҳисоботларнинг шакли ва даврийлиги 1,5-2 марта камайтирилди.

Тадбиркорликнинг миллий аънава ва урф-одатларимизга тўла мос келадиган янги шакли – оилавий бизнесни ривожлантириш учун кенг шарт-шароитлар яратилди.

Хурматли мажлис қатнашчилари!

Бугунги кунда дунёда содир бўлаётган воқеаларни холисона баҳолаб эканмиз, кескинлик ва ҳавф-хатарларнинг тобора ўсиб, геосиёсий қарама-қаршиликлар, ўз таъсир доирасини кенгайтиришга қаратилган курашнинг кучайиб бораётгани, радикализм, терроризм ва экстремизм каби таҳдидлар бизни ташвишга солмасдан қўймайди, албатта.

Глобал маконда молиявий-иқтисодий инқироз ҳамон давом этаётгани, товар бозорларида талабнинг кескин камайиб бораётгани ва конъюнктуранинг беқарорлиги кўпгина давлатларда иқтисодий ўсиш суръатларининг пасайишига, инвестиция фаоллигининг сусайиши ва четга капитал чиқиб кетишининг кучайишига олиб келмоқда.

Мана шундай кескинлашув ва жаҳон бозоридаги ноаниқ вазият кейинги йилларда ҳам давом этиши мумкин. Ўз-ўзидан аёнки, қутилаётган барча салбий ҳолатларнинг олдини олиш, уларни бартараф қилиш учун барчамиздан хушёрлик, сезгирлик, сафарбарлик ва режаларимизга, аввало, **Мамлакатимизда демократик ислохотларни чуқурлаштириш ва фуқаролик жамиятини ривожлантириш концепциясига тегишли ўзгариш ва қўшимчалар киритиш талаб қилинади.**

Бугунги кунда яқин ва узоқ атрофимизда, бутун жаҳон миқёсида сиёсий, иқтисодий вазият тобора кескинлашиб бораётганини инobatга олган ҳолда, энг муҳим устувор вазифаларимиз қаторида **иқтисодиётимизда таркибий ўзгаришларни изчил чуқурлаштириш, ишлаб чиқаришни узлуксиз техник ва технологик янгилаб бориш, замонавий ахборот-коммуникация тизимларини кенг жорий этишни асосий мақсадимиз сифатида кўришимиз керак.**

(Давоми 3-саҳифада)

МАМЛАКАТИМИЗНИ ДЕМОКРАТИК ЯНГИЛАШ ВА МОДЕРНИЗАЦИЯ ҚИЛИШГА ҚАРАТИЛГАН ТАРАҚҚИЁТ ЙЎЛИМИЗНИ ҚАТЪИЯТ БИЛАН ДАВОМ ЭТТИРИШ — БОШ МАҚСАДИМИЗДИР

(Давоми, бошланиши 1-,2-саҳифаларда)

Албатта, Ўзбекистонда мустақил тараққиётимизнинг дастлабки кунларидан бошлаб ишлаб чиқаришни таркибий янгилаш, уни замонавий ва юқори технологиялар асосида жадал ривожлантириш масаласига жиддий эътибор қаратилганини қайд этиш ўринлидир.

Биз учун мулақо янги бўлган тармоқлар ва юқори технологияларга асосланган ишлаб чиқариш корхоналари бутунлай янгитдан ташкил этилди. Ҳозирги кунда бу корхоналарнинг тайёр маҳсулотлари жаҳон бозорида муносиб ўрин эгалламоқда.

Бу борада гап автомобилсозлик sanoati, жумладан, энгил автомобиллар, юк ва махсус машиналар, двигателлар ва асосий бутловчи қисмлар ишлаб чиқариш ҳақида, шунингдек, янги моделдаги хорижий техникаларни ўзлаштириш негизда замонавий қишлоқ хўжалиги машинасозлиги, нефть-кимё ва нефть-газ sanoatini ривожлантириш, темир йўл вагонлари, маиший электроника, фармацевтика ва микробиология тармоқлари ҳақида бормоқда.

Айнан туб таркибий ўзгаришлар, юқори технологияларга асосланган янги ва замонавий корхоналарни барпо этиш, фаолият кўрсатаётган ишлаб чиқариш қувватларини кенг миқёсда янгилаш ва модернизация қилиш борасида пухта ўйланган стратегия туфайли мамлакатимизнинг ялпи ички маҳсулотига sanoatнинг улуши 1991 йилдаги 14 фоиздан бугунги кунда қарийб 25 фоизга ўсди. Айни пайтда қишлоқ хўжалиги ишлаб чиқаришининг улуши 34 фоиздан 17 фоизга камайди.

Ҳеч шубҳасиз, биз бу ишларни асло сусайтирмаслигимиз, инвестиция сиёсати ва дастурларимизни ҳам ана шу мақсадларга мос ҳолда амалга оширишимиз даркор.

Ишлаб чиқараётган маҳсулотлари бугун халқаро бозорда, эртага эса ички бозорда ҳеч қандай қизиқиш уйғотмайдиган эски ишлаб чиқариш қувватларидан воз кечиш, иқтисодий тараққиётимизнинг локомотивлари бўлган замонавий корхоналар ва юқори технологияларга асосланган комплексларни барпо этиш билан бирга, етакчи тармоқ ва зарур инфратузилмаларни модернизация қилиш бўйича чуқур ва пухта ўйланган дастурларни изчил амалга ошириш керак.

Бизнинг жаҳон экспорт бозорида мустақкам ўрин олишимиз учун, мамлакатимизда молиявий ва иқтисодий барқарорликни, аҳолининг турмуш даражаси ва сифатини таъминлаш учун ишончли замин ярати берадиган, бугун ҳаётнинг ўзи талаб қилаётган энг зарур сиёсат ана шундан иборат.

Бир сўз билан айтганда — сифати паст, нархи баянд маҳсулотга йўл қўймаслик керак.

Бизнинг эътиборимиз марказида туриши керак бўлган энг муҳим масалалардан яна бири — **бу Конституциямизга мувофиқ кўп тармоқли иқтисодиётимизнинг устувор соҳалари бўлиши хусусий мулк ва хусусий тадбиркорликни тез суръатлар билан ривожлантириш йўлидан барча гов ва тўсиқларни йўқ қилиш, уларнинг эркинлигини таъминлашдир.**

Ҳозирги вақтда айни мана шундай ўта долзарб масаланинг кун тартибига кескин қўйилиши, ҳеч шубҳасиз, шу залда ўтирган мулкдорлар, кичик бизнес эгала-

ри ва хусусий тадбиркорлар, умуман, бутун халқимизнинг руҳи кўтаришга, **эртанги кунга янада катта ишонч билан қарашига асос беради**, десам, сизлар бунга қандай қарайсиз?

Ўтган йиллар давомида хусусий мулк ва инвестициялар дахлсизлигини ҳимоя қилишга қаратилган ишончли меъёрий-ҳуқуқий асослар яратиш, хусусий мулкдорлар учун зарур шароит ва кафолатлар тўғрисида бериш бўйича кўп ишлар қилинди.

Шу йиллар мобайнида иқтисодиётимизнинг турли тармоқларидаги давлат мулки ҳисобланган — шунга эътибор беринг — 31 мингдан зиёд корхона хусусий мулкдорлар ва акциядорлар ихтиёрига берилди.

Қишлоқ хўжалиги, савдо, хизмат турларининг барчаси ва бошқа кўплаб тармоқлар деярли тўлиқ хусусий мулк соҳасига ўтказилди.

Халқ истеъмоли товарлари ишлаб чиқараётган тўқимачилик, трикотаж, чарм-пойабзал, озиқ-овқат, фармацевтика, мебель sanoati, уй-жой секторида давлат мулкининг улуши кескин камайди.

Шу ўринда таъкидлаш кераки, ишлаб чиқариш ва хизмат кўрсатишнинг айнан ана шундай соҳа ва тармоқларида ўсиш суръатлари ва меҳнат унумдорлиги бошқа тармоқларга қараганда барқарор равишда юқори бўлиб келмоқда.

Хусусий секторнинг улуши ахборот-коммуникация технологиялари ва хизматлари, мобил алоқа тармоқлари, қурилиш ишлари ва бошқа соҳаларда ҳам юқоридир. Бу эса, ўз навбатида, кўп нарсдан далолат беради.

Шундан яна бир хулоса чиқиши даркор. Яъни, **биз иқтисодиётимизда давлатнинг улуши ва ўрни қандай бўлишини танқидий кўз билан баҳолаб, уни стратегик ҳамда иқтисодий асосланган даражага қадар қисқартиришимиз лозим.**

Бу борада маъмурий-бўйруқ-бозлик тизимининг ҳамон сақланиб қолаётган ҳар қандай шаклларида воз кечиш, давлат органлари, бизнес ва хусусий сектор ўртасидаги вазифаларни аниқ белгилаб қўйишимиз, савдо операцияларини асосан биржа орқали амалга ошириш тизимида ўтишимиз зарур.

Корпоратив ёки акциядорлик бирлашмалари фаолияти самарадорлигини танқидий баҳолаш ҳам ғоят жиддий эътиборни талаб қилмоқда. Ривожланган давлатларда, айниқса, sanoat ишлаб чиқариш соҳасида, мулкчиликнинг ана шу шакли асосий ўрин эгаллайди.

Бу борадаги амалий тажрибамиз шунки кўрсатдики, Ўзбекистонда маҳаллий акциядорлар билан бирга чет эллик инвесторларнинг ҳам акцияларга эга бўлаётгани мулкчиликнинг энг мақбул ва ўзини оқлаётган шаклидир.

Ҳозирги вақтда юртимизда 90 дан ортиқ мамлакатнинг хорижий капитали иштирокида ташкил этилган 4 мингдан зиёд корхона муваффақиятли фаолият юритмоқда.

Бундай самарали лойиҳалар ҳақида гапирганда, машинасозлик соҳасида АҚШнинг “Женерал моторс”, Германиянинг “МАН”, “Клаас”, Япониянинг “Исузу” компаниялари, нефть-газ соҳасида Жанубий Кореянинг “Лотте кемикал” ва “Когаз” компаниялари, кимё sanoatida Испаниянинг “Максам” компанияси, тўқимачилик sanoatida Сингапурнинг “Индорама”, Жанубий Кореянинг

“Дэу текстиль”, “Янг вон”, Швейцариянинг “Ритер” компаниялари, ахборот-коммуникация технологиялари соҳасида Хитойнинг “Хуавей” ва “ЗТЕ”, озиқ-овқат sanoatida Швейцариянинг “Нестле” компанияси, қурилиш материаллари ишлаб чиқаришда Германиянинг “Кнауф”, Хитойнинг “Пенг Шен”, фармацевтика sanoatida Швейцариянинг “Нобель” компаниялари ва шунингдек, бошқа кўплаб хорижий инвесторлар иштирокида ташкил этилган қўшма корхоналар ҳақида сўз юритиш мумкин.

Дунёда ном қозонган бундай компаниялар билан олиб бораётган ҳамкорлигимиз қисқа вақт ичида иқтисодиётимиз тармоқларини тубдан модернизация қилиш, маҳсулот ишлаб чиқаришни кенгайтириш ва унинг турини кўпайтириш, жаҳон бозорларига рақобатдош янги маҳсулотлар билан чиқиш имконини бермоқда.

“Навоий”, “Ангрен” ва “Жиззах” махсус иқтисодий зоналарини ташкил этиш ҳисобидан чет эллик инвесторлар билан йўлга қўйган ҳамкорлигимиз ўзининг юксак самарасини кўрсатмоқда.

Энг муҳими, Ўзбекистонда маҳаллий ва чет эллик инвесторлар нафақат маблағ сарфлаб, даромад олмақда, балки корхоналарни биргаликда бошқармоқда, хорижлик муассислар қўшма корхонага, аввало, илгор технологияларни олиб кирмоқда, ишлаб чиқаришни замонавий асосда ташкил этиш ва бошқаришни жорий қилмоқда.

Бу борадаги тажриба ҳамкорликнинг айнан мана шу шакли энг кўп самара бераётгани ва энг яхши истиқболга эга эканини кўрсатмоқда. **Биз бундай корхоналар фаолиятини имкон қадар кенгайтиришга тайёرمىз.**

Юқорида баён қилинган фикрларни умумлаштирган ҳолда, шуни таъкидлаш кераки, иқтисодиёт тармоқларида давлат улушининг мавжудлиги ва самарадорлигини, бошқача айтганда, “иқтисодиётдаги давлат”нинг ролни кенг миқёсда танқидий таҳлил қилиш ва шу асосда **хусусий секторнинг иқтисодиёт тармоқларидаги иштирокини сезиларли равишда кенгайтириш бўйича янги чора-тадбирларни белгилаш вақти келди.**

Бундай корхоналардаги давлат улушини хусусий секторга, жумладан, янги инвесторларга, улар томонидан ана шу корхоналар негизда замонавий ишлаб чиқариш қувватларини ташкил этиш мажбуриятини қабул қилиш шарти билан ноль қийматида сотиш мақсадаги мувофиқдир.

Хулоса қилиб айтганда, демократик ва бозор ислохотлари йўлидаги изчил ҳаракатларимизнинг мантки биздан доимо илгарилан боришни талаб этаётганини таъкидлаш лозим. Бу борада жаҳон бозорида кескин рақобат кучайиб бораётгани ҳам муҳим аҳамият касб этмоқда. Чунки бундай вазият Ўзбекистонда хусусий мулк, кичик бизнес ва хусусий тадбиркорликни жадал ривожлантириш учун уларнинг йўлидаги, шуни яна таъкидлаш керак, ҳар қандай қаршиликни олиб ташлашни долзарб вазифа қилиб қўймоқда.

Бу вазифаларни амалга ошириш, ўз навбатида, биз мамлакатимизда барпо этилаётган фуқаролик жамиятининг ишончли таянчи ва пойдевори деб биландиган ўрта синф — мулкдорлар синфини шакллантириш ва унинг мавқеини мустақкамлаш учун янги рағбатлантирувчи омиллар

ва истиқболларни яратиб беради, деб айтишга барча асосларимиз бор.

Хурматли юртодошлар!

Соғлом бола йили деб ном олган жорий 2014 йилимиз ҳам ўз якунига етмоқда. Барчамиз учун, бутун халқимиз учун чуқур амалий маъно-мазмунга эга бўлган мақсадларни, соғлом авлодни тарбиялашдек эзгу ва пок ниятларимизни ўзига қамраб олган ана шу йил муносабати билан қабул қилган умуммиллий Дастиримизнинг бажарилиши бўйича қисқача тўхталиб ўтсак, айни муддао бўлар эди.

Дастур доирасида соғлом ва баркамол авлодни тарбиялашга қаратилган **амалдаги ҳуқуқий-меъёрий базани янада такомиллаштириш** бўйича 3 та қонун лойиҳаси ишлаб чиқилганини қайд этиш лозим.

Шулар қаторида Ўзбекистон Республикаси Президентининг “2014-2018 йилларда Ўзбекистонда аҳолининг репродуктив саломатлигини янада мустақкамлаш, оналар, болалар ва ўсмирлар соғлигини муҳофаза қилиш борасидаги Давлат дастури тўғрисида” қабул қилинган қарори моҳият эътибори билан болаларимизни жисмоний ва маънавий жиҳатдан камол топтириш ва ёшларга оид давлат сиёсатини янги босқичга кўтаришга хизмат қилади.

Соғлом бола — аввало, соғлом ва аҳил оиланинг мевасидир, деган ҳаётий ҳикматдан келиб чиққан ҳолда, йил давомида **оилада ўзаро хурмат муҳитини, унинг иқтисодий ва маънавий асосларини мустақкамлаш, ёш оилаларни қўллаб-қувватлаш, оналик ва болаликни ҳимоялаш, опа-сингилларимизнинг оғирини энгил қилиш, уларнинг қобилият ва имкониятларини рўёбга чиқариш** бўйича ҳам кенг қўламли ишлар амалга оширилди.

Соғлом ва мустақкам оилаларни барпо этиш соғлом келажак пойдевори эканини назарда тутиб, турмуш қураётган ёшларнинг никоҳдан олдин тиббий кўриқдан тўлиқ ўтишларини таъминлаш, шу асосда ирсий ва туғма касалликларнинг олдини олиш бўйича сезиларли ишлар қилинди. Жумладан, бўлажак келин-куёвларни тиббий кўриқдан ўтказадиган поликлиникалар замонавий тиббиёт ва диагностика асбоб-ускуналари билан жиҳозланди. Энг муҳими, янги оила қураётган 2 мингдан ортиқ ёшларда турли касалликлар аниқланиб, улар амбулатор ва стационар шароитда даволанди.

“Соғлом она — соғлом бола” лойиҳаси доирасида жами 13 миллион 600 мингдан зиёд аёллар ва болалар тиббий кўриқдан ўтказилди. Бунинг натижасида 2 миллион 800 минг аёл ва 2 миллион 500 минг бола соғломлаштирилгани бу йўлдаги катта қадам бўлди.

Муҳим амалий масалалардан бири — аёлларимизни тадбиркорлик соҳасига жалб этиш ва уларни молиявий қўллаб-қувватлаш мақсадида камида 50 фоиз ишчи-хизматчилари хотин-қизлардан иборат бўлган кичик бизнес ва хусусий тадбиркорлик субъектларига тижорат банклари томонидан 770 миллиард сўмлик кредитлар ажратилди.

Аҳолимиз, аввало муҳтарам опа-сингилларимизнинг талабига мувофиқ, юртимизда, шу жумладан, чекка қишлоқларда «Гўзаллик салон»лари, таъмирлаш ва тикув цехлари, маиший техникаларни тузатиш шохобчаларидан иборат 150 дан ортиқ

хизмат кўрсатиш комплекси барпо этилгани турмуш маданиятини оширишга катта ҳисса бўлиб қўшилди.

Бизнинг эътиборимиз марказида турган касб-хунар коллежлари битирувчилари орасидан ўз бизнесини ташкил қилишга интилаётган йигит-қизларга 170 миллиард 700 миллион сўм миқдоридан кредитлар ажратиб берилгани ва улар ўз хусусий ишини очиб имконига эга бўлганининг ўзи, ҳеч шубҳасиз, ҳам иқтисодий, ҳам ижтимоий жиҳатдан ўта муҳим муаммоларни ечишга имкон берди.

Шу билан бирга, ёш оилаларга уй-жой сотиб олиш, уни қуриш ва реконструкция қилиш, узок муддат фойдаланишга мўлжалланган товарларни харид қилиш учун қарийб 215 миллиард сўмлик имтиёзли ипотека кредитлари ва 57 миллиард сўмлик фоизсиз қарз маблағлари ажратилди. Ана шундай тадбирлар қаторида Касаба уюшмалари федерацияси томонидан 1 миллиард 500 минг сўм қийматидаги маиший электр техника воситалари кам таъминланган оилаларга бепул тарқатилганини қайд этиш лозим.

Азиз дўстлар!

Соғлом бола йили давомида ўта муҳим аҳамиятга эга бўлган **тиббий муассасаларнинг моддий-техник базаси ва кадрлар салоҳиятини мустақкамлаш** борасида 137 та тиббий муассасасида, жумладан, Андижон, Бухоро, Қашқадарё, Самарқанд, Тошкент вилоятлари кўп тармоқли болалар тиббиёт марказлари, Андижон шаҳридаги туғруқ комплекси, Тошкент шаҳридаги болалар санаторийси, Тошкент педиатрия тиббиёт институтининг болалар хирургияси бўлими ва бошқа соғлиқни сақлаш масканларида қарийб 410 миллиард сўмлик қурилиш, реконструкция ва жиҳозлаш ишлари амалга оширилганини таъкидлаш зарур.

Шунингдек, хорижий молия институтларининг 28 миллион 500 минг долларлик кредит ва грант маблағлари ҳисобидан туман тиббиёт бирлашмалари, Республика ихтисослаштирилган кардиология маркази, онкология муассасалари, вилоят шифохоналари замонавий даволаш асбоб-ускуналари билан жиҳозланди.

Шу билан бирга, яна бир ўта муҳим масалага эътиборингизни жалб этмоқчи эдим.

Бугунги кунда юртимиздаги етакчи клиника ва тиббий марказларида энг илгор технологиялар ёрдамида ноёб операциялар амалга оширилмоқда. Масалан, Республика ихтисослаштирилган педиатрия илмий-амалий тиббиёт марказида ўтказилган мураккаб операциялар туфайли 100 нафар боланинг эшитиш қобилияти тикланди. Республика ихтисослаштирилган хирургия марказининг кардиохирургия мажмуасида эса сўнгги икки йилда 5 минг 200 нафардан ортиқ бемор жарроҳлик операцияларини бажармасдан туриб даволанди.

Ўйлайманки, мана шу фурсатдан фойдаланиб, катта билим ва малака талаб этадиган айни шундай ўта нозик операцияларни амалга ошираётган, ноёб истеъдодга эга бўлган, ўзимиздан чиққан моҳир хирургларга, бошқа мутахассисларимизга миннатдорлик билдиришимиз, уларга керак бўлган ёрдамимизни янада кучайтириш, янги имкониятларни очиб бериш учун ҳеч қандай маблағларни аямаслигимиз зарур, десам, барчамизнинг фикримизни билдирган бўлар эдим.

(Давоми 4-саҳифада)

МАМЛАКАТИМИЗНИ ДЕМОКРАТИК ЯНГИЛАШ ВА МОДЕРНИЗАЦИЯ ҚИЛИШГА ҚАРАТИЛГАН ТАРАҚҚИЁТ ЙЎЛИМИЗНИ ҚАТЪИЯТ БИЛАН ДАВОМ ЭТТИРИШ — БОШ МАҚСАДИМИЗДИР

(Давоми, бошланиш 1-,2-,3-саҳифаларда)

Фарзандларимиз ўртасида юқумли касалликларнинг олдини олиш мақсадида бу йил миллий эмлаш календарига ротавирус вакцинаси киритилиб, қарийб 300 минг бола ушбу вакцина билан эмланди.

Мамлакатимизда ногирон болалар туғилишининг олдини олишдек олийжаноб мақсадни амалга оширишда республика-мизнинг барча ҳудудларида фаолият кўрсатаётган, нуфузи ва самараси тобора ортиб бораётган скрининг марказларининг ролини алоҳида таъкидлашни хоҳлардим.

Бугунги кунда ана шундай ўта муҳим муаммони ечишда бу марказлар катта ўрин тутмоқда. Биргина жорий йилнинг ўзида ушбу марказлар томонидан 20 мингдан ортиқ нуқсонли бола туғилишининг олди олинганини ҳеч нарса билан ўлчаб-қиёслаб бўлмайди, десам, ўйлайманки, сизлар ҳам бу фикрга қўшиласиз.

Шу йўлда амалга ошираётган ишларимиз, сарфланган маблағ, куч ва имкониятларимиз натижа-сида қанчадан-қанча гўдакларнинг бенуқсон дунёга келиши, соғлом ва бақувват бўлиб вояга етиши, аввало, шу боланинг ўзи, ота-онаси ва оиласи учун, бутун жамиятимиз учун қандай қувонч ва бахт келтиришини тасаввур қилишнинг ўзи қийин, десам, айни ҳақиқатни айтган бўламан.

Фурсатдан фойдаланиб, соғлом бола, соғлом авлодни камол топтиришдек эзгу ишга ўзини бағишлаган ва шу йўлда фидокорона меҳнат қилаётган барча тиббиёт ходимларига самимий миннатдорлик билдираман.

Ана шундай юксак мақсадлар йўлида энг илгор, энг замонавий асбоб-ускуна ва технологиялар, даволаш усуллари юртимизга олиб келиш, бу борада чет давлатлар билан самарали ҳамкорликни янада кучайтиришга қаратилган ишларимизни алоҳида таъкидлаш ўринлидир.

Ташкент шаҳрида тўртинчи, яъни энг юқори даражали кўп тармоқли замонавий болалар шифохонасини қуриш ва жиҳозлаш бўйича Ўзбекистон Республикаси ҳукумати ва Корея Республикаси Иқтисодий ҳамкорлик жамғармаси ўртасида кредит шартномаси имзолангани бунинг яққол далилидир. Қарийб 103 миллион доллар ҳисобидан барпо этиш кўзда тутилаётган, ҳар жиҳатдан ноёб ушбу тиббий марказни, насиб этса, 2017 йилда ишга туширамиз.

Қадрли ватандошлар! Ўтган давр мобайнида **замонавий ахборот-коммуникация тизимидан, Интернетдан кенг фойдаланиш ҳисобидан таълим-тарбия самарасини кучайтириш, болалар, айниқса, қиз болалар ўртасида жисмоний тарбия ва спортни омма-лаштириш** бўйича кенг кўламадаги ишларимиз давом эттирилди.

Дунёдаги турли-туман нуфузли беллашувларда Ватанимиз шухратини тараннум этиб келаятган ёшларимиз сафи тобора кенгайиб бормоқда. Мисол учун, бу йил юртимиз ўқувчиларидан 10 нафари хорижий мамлакатларда ўтказилган йирик халқаро мусиқа ва санъат фестивалларида “Гран при” деб аталадиган энг юқори совринни, 60 нафари эса биринчи ўринни қўлга киритгани бунинг яққол тасдиғидир.

Спорт соҳасини оладиган бўлсак, футбол бўйича Ўзбекистон ёшлар терма жамоаси Осиё чемпионатининг чорак финали-

да ғалаба қозониб, китъамиздаги тўртта давлатдан бири сифатида келгуси йили Янги Зеландияда бўладиган жаҳон чемпионатида йўлланмани қўлга киритгани барчамизни албатта қувонтиради.

Хитой Халқ Республикасининг Нанкин шаҳрида ўтказилган ўсмирлар ўртасидаги иккинчи Олимпия ўйинларида 28 нафар ёш спортчимиз 4 та олтин, 3 та кумуш, 3 та бронза, жами ўнга медалга эришгани ҳам йил давомидаги катта спорт ютукларимиз қаторига қиради. Жанубий Кореянинг Инчон шаҳрида ўтказилган Осиё ўйинларида эса юртимиз фарзандлари 9 та олтин, 14 та кумуш, 21 та бронза, жами 44 та медалга сазовор бўлиб, юксак шохсупага кўтарилди.

Бу рўйхатни яна давом эттириш мумкин.

Бундай ютуклар замирида, биринчи навбатда, мамлакатимизда болалар спортини ривожлантиришга берилаётган доимий эътибор мужассам экани барчамизга яхши аён.

Дастур доирасида қизларимизни жисмоний тарбия ва спорт билан шуғулланишга кенг жалб этиш мақсадида уларга 6 миллиард сўмлик спорт кийимлари тўплами бепул берилгани ана шундай ғамхўрликнинг яна бир амалий намунаси.

Шулар қаторида мактаб ўқувчилари учун 34 миллион 500 минг нуздаги дарслик ва ўқув-методик қўлланмалар юртимиздаги таълим олиб бориладиган 7 тилда нашр қилинган алоҳида қайд этиш лозим.

Хаммамизга маълумки, мамлакатимизда илк бор мактаб остонасига қадам қўядиган ўғил-қизларимизни дарслик ва бошқа ўқув қуроллари билан бепул таъминлаш яхши анъанага айланган. Жорий йилда ҳам қарийб 587 минг 1-синф ўқувчиси салкам 28 миллиард сўм қийматидаги дарслик ва ўқув анжомлари билан таъминланди.

Шунингдек, умумтаълим мактабларидаги чет тили фани, аввало, инглиз тилини ўрганиш учун мўлжалланган ўқув хоналари 45 миллиард сўмлик замонавий ахборот-коммуникация технологиялари, техник воситалар билан жиҳозлангани фарзандларимизнинг билим ва кўникмалари янада чуқурлаштиришга пухта замин яратмоқда.

Азиз юртдошлар!

Биз учун энг устувор ва улуғвор вазифа бўлган баркамол ва етук, ҳеч кимдан кам бўлмайдиган ёш авлодни тарбиялаш борасида жойларда нафақат давлат, балки нодавлат ва жамоат ташкилотлари, бизнес тузилмалари иштирокида катта-катта ижтимоий объектлар қурилаётганини мамнуният билан эътироф этамиз.

Авваламбор, “Меҳрибонлик” уйларининг моддий-техник базасини мустақамлаш, уларнинг тарбияланувчиларига ҳар томонлама ёрдам бериш мақсадида амалга оширган ишларимиз, айниқса, эътиборга лойиқдир.

Шу ўринда халқимиз ўртасида кенг тарқалган “Савоб ишни ҳар ким қилиши керак, савоб ишни ҳар кун қилиш керак” деган шиоримизни яна бир бор эслаб ўтишни истардим. Чунки, бу дунёда ҳеч бир нарса исиз кетмайди. Яхшилиқ қилган одамга албатта яхшилиқ қайтади. Ўзига қайтмаса, болалари, набираларига қайтади. **Муқаддас китобларимизда айтилганидек, яхшилиқнинг муқофоти фақат яхшилиқдир.**

Албатта, «Соғлом бола йили» Давлат дастури доирасида амал-

га оширган ишларимиз ҳақида яна узоқ гапириш, кўпгина рақам ва мисолларни олиб келиш мумкин. Лекин уларнинг барчасини мухтасар қилиб ифода этадиган бўлсак, ана шу мақсадлар учун барча манбалар ҳисобидан 4 триллион 795 миллиард сўм ва 260 миллион АҚШ долларидан зиёд маблағ сарфланганининг ўзи, ўйлайманки, бу борадаги фаолиятимизнинг кўлами ва миқдоси нақадар улкан эканидан далолат беради.

Фурсатдан фойдаланиб, мана шундай эзгу ишда фаол қатнашган юртимиздаги давлат ва нодавлат ташкилотларга, хорижий ва халқаро тузилмаларга, мана шу залда ўтирган чет давлатларнинг мухтарам элчиларига, бу савобли ишга ҳисса қўшган, ҳолис хизмат қилган барча-барча инсонларга ўз номидан, халқимиз номидан чуқур миннатдорлик билдиришга рухсат бергайсиз.

Қадрли дўстлар!

Энди мамлакатимизда яхши анъана ва одатга айланиб қолган тажрибамиз асосида кириб келаятган янги – 2015 йилга ном бериш ҳақида сиз, азизлар билан маслаҳатлашиб олсак, айни муддао бўларди.

Барчамизга яхши маълумки, ўтган давр мобайнида юртимизда йилларга қандай ном бермайлик – бу “Оила” ёки “Аёллар” йили бўладими, “Соғлом авлод” ёки “Соғлом бола” йили бўладими, “Обод маҳалла” ёки “Обод турмуш” йили бўладими – буларнинг барчаси, ҳеч шубҳасиз, чуқур маъно ва мазмунга эга.

Бошқача айтганда, бу каби олийжаноб мақсадларни кўзда тутиб амалга оширган тадбирларимиз аввало жамиятимизни янада эркинлаштириш, ҳаётимизни янада обод ва фаровон қилиш, тинчлик-осойишталикни мустақамлашда, Ватанимизнинг обрў-эътиборини халқаро майдонда юксалтириш йўлида муҳим амалий қадам бўлганини ҳеч ким инкор этолмайди.

Шу билан бирга, мана шундай эзгу тадбирларни ўтказиш туфайли халқимизни янада жипслаштириш, меҳр-оқибат ва ҳамжиҳатликни, оилани янада мустақамлаш, катталарга ҳурмат, кичикларга иззат, аёл зотига, авваламбор, оналарга чексиз меҳр ва эҳтиром сингари қадриятлар аҳолимиз, хусусан, ёшларимизнинг қалби ва шууридан чуқур ўрин олаётганини ҳисобга оладиган бўлсак – буларнинг барчасининг аҳамияти ва моҳиятини баҳолаш ўзи қийин, деб ўйлайман. Лўнда қилиб айтганда, бизнинг эътиборимиз марказида турган айни шу хусусият ва фазилатлар, бугунги замон ва ҳаётимизнинг ўзи талаб қилаётган ўткир ва долзарб масалалар кириб келаятган янги йилларга ном бериш бўйича бизнинг рўйхатимизда турса, ҳеч шубҳасиз, халқимизнинг хоҳиши ва талабига жавоб берадиган иш бўлар эди.

Айни шу шартларни ҳисобга олган ҳолда, мен кириб келаятган 2015 йилга мамлакатимизда **Кексаларни эъзозлаш йили**, деб ном беришни таклиф этаман.

Азиз юртдошлар!

Ҳар қандай жамиятнинг ёши улуғ одамларга бўлган эътибори ва ғамхўрлиги унинг маданий даражасини белгилайди, десак, янглишмаган бўламан. Соддагина, ўзбекона қилиб айтганда, кексаларга ҳурмат-эҳтиром, меҳр-оқибат кўрсатиш маънавий ҳаётимизнинг том маънода ажралмас қисмига айланган.

Бир ўйлаб кўрайлик, “Қариси бор уйнинг париси бор”, “Қари-

ялар — хонадонларимизнинг файзи ва фариштаси” деган мақол ва ҳикматли сўзларимизда қандай чуқур маъно бор.

Ҳақиқатан ҳам, қайси хонадонда нуруний отахон ёки онахон бўлса, бу оилада албатта файзу барака, фаровонлик, аҳиллик бўлишини барчамиз яхши биламиз.

Шу боис бугун турли соҳаларда эришяётган ютукларимизда ота-оналаримиз, мўътабар қарияларимизнинг унутилмас ва улкан хизмати борлигини, биз улар олдида умрбод қарздор эканимизни нутумаслигимиз, қўлимиздан келганича уларнинг оғирини енгил, умрини узоқ қилишни ўзимизнинг инсоний бурчимиз, деб билишимиз лозим.

Ватанимизнинг мусоффо осмонини асрашда, ҳар қандай офатларни остонамизга йўлатмаслик, она юртимизни фашизм балосидан ҳимоя қилишда кекса авлод вакилларининг қандай жасорат кўрсатгани, фронт ортида меҳнат қилиб, ғалабага муносиб ҳисса қўшгани, мамлакатимизни тиклаш, унинг ҳам ҳарбий, ҳам иқтисодий, ҳам маданий-маънавий салоҳиятини оширишда нуруний кексаларимиз намоён этган фидойиликни биз ҳамиша катта миннатдорлик билан эслаймиз.

Бугун фахрийларимизнинг хурматини жойига қўйиш, ҳар қайси кекса одамнинг юрагига етиб бориш, кўнглини кўтариш, шу билан бирга, уларнинг ҳаётини мазмунли қилиш йўлида олиб бораётган ишларимизни кучайтириш, самарасини ошириш зарур.

Халқимизнинг қадимий ва шонли тарихини узвий давом эттиришга, шу тарихнинг ўчмас саҳифаларини, аждодларимизнинг буюк меросини, қадрият ва урф-одатларини ёшларимизга етказиш, ҳаётимизни тобора поклаш ва файзу баракали қилишда, бир сўз билан айтганда, уни маънавий юксалтиришда, бугун Яратганининг бизга берган ҳар бир кунини маъноли ва сермазмун ўтказишда бекиёс ҳисса қўшаётган ота-боболаримизга ҳар томонлама ҳурмат, эъзоз ва эҳтиром кўрсатиш барчамиз учун ҳам қарз, ҳам фарз, деб ўйлайман.

Бугунги кунда мамлакатимизда **60 ёшдан ошганлар сони 2 миллион 873 мингдан кўпроқ кишини ташкил этади.** Мустақиллик йилларида халқимизнинг ўртача ёши 1990 йилдаги 67 ёшдан 73,5 ёшга, аёллар ўртасида эса 75,8 ёшга етди.

Айни пайтда юртимизда 225 минг нафар 80 ёшдан, 44 минг нафар 90 ёшдан, 8 минг 700 нафар — шунга эътибор беринг — 100 ёшдан ошган табаррук қариялар яшамоқда. Улар орасида 3 минг 109 нафар Иккинчи жаҳон уруши қатнашчиси, 69 минг 994 нафар фронт ортида меҳнат қилган инсонлар борлигини алоҳида таъкидлаш лозим.

Бу ниманинг исботи? Бу аввало, истиқлол даврида халқимизнинг турмуш даражаси ва сифати тобора ортиб бораётганидан, ёши улуғ одамларимиз яхши ният, эртанги кунимизга катта умид билан яшаётганидан, уларнинг қалби софлигидан далолат беради.

Хонадонларимиз кўрки бўлган пири бадавлат кексаларимизни ҳар томонлама қадрлаш мақсадида мамлакатимизда катта ишлар амалга оширилмоқда. Шу йилнинг ўзида уларга давлат бюджети ҳисобидан 11 триллион 618 миллиард сўмдан ортиқ пенсия, 105 миллиард сўмдан зиёд нафақалар тўлангани бунинг амалий тасдиғидир.

Дунёдаги камдан-кам давлат-

лар қаторида бугунги кунда давлатимиз пенсияга ажратадиган маблағнинг миқдори ўртача ойликнинг 41 фоиздан зиёдини ташкил этиши ҳам шундан далолат беради.

Бу борада 2014 йил 13 октябрда қабул қилинган “1941-1945 йиллардаги уруш ва меҳнат fronti фахрийларини ижтимоий қўллаб-қувватлашни янада кучайтириш чора-тадбирлари тўғрисида”ги Президент фармони асосан уларни ижтимоий ҳимоялаш, хусусан, йилда бир марта ўзлари учун мақбул муддатларда санаторий-соғломлаштириш муассасаларида давлат ҳисобидан даволаниш имкони яратилгани сизларга яхши маълум, деб ўйлайман.

Айни вақтда кекса авлод вакилларига нодавлат ташкилотлар, ижтимоий тузилмалар томонидан ҳам моддий ва маънавий кўмак берилаётгани ва бундай ёрдамнинг миқдоси кенгайиб бораётгани эътиборга сазовор. Хусусан, 2013 йилда “Нуруний” жамғармаси томонидан шу мақсадда 610 миллион сўм, жорий йилнинг 9 ойида эса 553 миллион сўмдан ортиқ маблағ йўналтирилгани, “Маҳалла” хайрия жамоат фонди томонидан 2013 йилда 1 миллиард 597 миллион сўмдан зиёд, шу йилнинг ўтган 9 ойида эса 1 миллиард 614 миллион сўмлик ёрдам кўрсатилгани ҳам бунга мисол бўла олади.

Табиийки, анъанага айланиб қолган тартиб бўйича, 2015 йилга Кексаларни эъзозлаш йили деб ном беришимиз муносабати билан давлат дастури қабул қилинади ва бу дастурни амалга ошириш учун махсус ҳукумат комиссияси тузилади.

Мазкур дастурни ишлаб чиқишда бугунги кунда кекса авлод вакилларининг ҳаётига дахлдор бўлган, ҳали-бери ечилмаган муаммоларни ҳал қилиш, бир сўз билан айтганда, йилга шундай ном берганимиз ўзини амалда оқлашни дастурнинг асосий мақсади сифатида кўриш керак.

Азиз ватандошлар!

Барчамизни оқ ювиб, оқ тараган, она юртимизнинг оғир юкини, унинг қувонч ва ташвишини умр бўйи елкасида кўтариб келган мўътабар боболаримиз ва момоларимизни, ота-оналаримизни рози қилиш, уларнинг дуосини олиш — дунёдаги энг улуғ, энг савобли иш десам, ўйлайманки, барчангизнинг фикрингизни ифода этган бўламан.

Кириб келаятган янги йилга Кексаларни эъзозлаш йили деб ном бериб, уни мана шундай пок ният ва ҳаракатлар билан бошлаётганимиз 2015 йилнинг тинчлик ва осойишталик, фаровонлик ва тўқинлик йили бўлишига, унинг янада мазмунли ўтишига муносиб ҳисса бўлиб қўшилади, иншоолло.

Сўзимни аяқлар эканман, барчангизга, мана шу гўзал залда тўпланган сиз, азизларимизга, сизлар орқали бутун эл-юртимизга қарата айтмоқчиман: **асрлар синовида ўтган мана шундай ўлмас қадриятларга таяниб, ўз кучи ва қудратига ишониб-инониб яшаётган халқимизни ўз танлаган йўлидан ҳеч ким, ҳеч қачон қайтара олмайди. Биз ўз мақсадларимизга албатта эришамиз ва кўзлаган марраларимизга албатта етамиз.**

Азиз ва қадрли ватандошларим!

Сизларни Конституциямизнинг 22 йиллик байрами билан яна бир бор табриклаб, барчангизга сиҳат-саломатлик, бахт ва омад, хонадонларингизга файзу барака тилайман.

ФИДОКОРОНА МЕҲНАТНИНГ ЮКСАК ЭЪТИРОФИ

Мустақиллигимизнинг 23 йиллик байрами арафасида Президентимиз Ислон Каримов фармонларига мувофиқ мамлакатимиз тараққиёти, ижтимоий-иқтисодий соҳаларнинг ривожига муносиб ҳисса қўшаётган бир гуруҳ фидойи ва ташаббускор юртдошларимиз Ватанимизнинг юксак унвонлари, орден ва медаллари билан тақдирланганди. Конституциямиз қабул қилинганининг 22 йиллиги арафасида мазкур мукофотлар ўз эгаларига тантанали равишда топширилди.

Тошкент шаҳар ҳокимлигида бўлиб ўтган тадбирга шаҳар фаоллари, вазирлик ва идоралар раҳбарлари, ижтимоий-иқтисодий соҳалар, маҳалла, хотин-қизлар кўмиталари фаоллари тақлиф этилди.

Тошкент шаҳрининг сиёсий-ижтимоий, маънавий ҳаётимиздаги, давлат бошқаруви, иқтисодиётимиздаги ўрни ва аҳамияти бекиёсдир. Ватанимиз тарихига Соғлом бола йили сифатида муҳрланаётган 2014 йилда пойтахтимизда халқимизнинг ҳаёт сифатини янада ошириш, ёш авлодни жисмонан соғлом, маънан баркамол, теран тафаккурли инсонлар этиб вояга етказиш йўлида катта ҳажмдаги ишлар амалга оширилди.

Давлатимиз раҳбари ташаббуси билан Ватанимиз мустақиллигининг 23 йиллиги арафасида Тошкентнинг тарихий қиёфаси ҳамда замон руҳи инobatга олинган ҳолда Олмазор ва Шайхонтохур туманларида янги йўллар барпо этилиб, мавжудлари янада кенгайтирилди. Аб-

дулла Қодирий ва Лабзак кўчалари кесишган чорраҳада замонавий кўприк қурилиб, фойдаланишга топширилгани транспорт қатновида, аҳоли учун қулайлик яратиш, шаҳар ҳавосининг экологик мусофоллигини сақлашда муҳим аҳамият касб этмоқда. Кўплаб ижтимоий объектлар, оилавий поликлиникалар, савдо мажмуалари бунёд этилиб, майдонлар, боғлар ободонлаштирилди.

Тошкентда шахмат бўйича ихтисослаштирилган республика болалар ва ўсмирлар спорт мактаби барпо этилди. Ўзбекистон Республикаси Президентини ҳузурдаги Давлат бошқаруви академиясининг янги, мухташам биноси мамлакатимизни модернизациялаш, фуқаролик жамиятини янада ривожлантиришдек эзгу мақсадлар йўлида юксак билим ва салоҳиятли, ислохотларни амалга оширишга қодир бўлган юқори малакали кадрларни тайёрлашда муҳим аҳамият касб этмоқда.

Тадбирда мамлакатимизнинг иқтисодий салоҳиятини юксалтириш ва ислохотларни муваффақиятли амалга оширишдаги катта хизматлари, кўп йиллик самарали меҳнати билан саноат, транспорт, алоқа ҳамда қурилиш соҳаларини ривожлантиришга қўшган салмоқли ҳиссаси, ижтимоий ҳаётдаги фаол иштироки учун бир гуруҳ юртдошларимизга юксак мукофотлар тантанали тарзда топширилди.

— Президентимиз раҳнамолигида мамлакатимизда тинчлик-осойишталик, ижтимоий-маънавий муҳит барқарорлигини таъминлашга қаратилган оқилна сиёсат халқимиз фаровонлигини юксалтириш, юртимизнинг барча гўшаларини янада обод этиш, фарзандларимизни ҳар жиҳатдан комил инсонлар этиб тарбиялашдек эзгу мақсадларга хизмат қилмоқда, — дейди Юнусобод туманидаги 51-оилавий поликлиника офтальмологи, «Шухрат» медали соҳиби Зулфия Обидова. — Шу табарруқ Ватан равнақиға ҳисса қўшиш, унинг тинчлиги, ободлиги йўлида меҳнат қилиш барчамизнинг чин инсоний, фуқаролик бурчимиздир.

Мукофотларни Ўзбекистон Республикасининг Бош вазири Ш.Мирзиёев топширди.

Халқимиз маънавиятини юксалтириш, миллий аъналаримизнинг бардавомлигини таъминлаш, навқирон авлодни она

Ватанга муҳаббат, қадриятлари-мизга хурмат руҳида тарбиялаш, ёшлар онгу шуурини миллий ҳаёт тарзимизга ёт гоғлар таъсиридан ҳимоялаш маънавий-маърифий соҳалардаги ислохотларнинг асосий мазмун-моҳиятини ташкил этади.

Мамлакатимизда ижодкор зиёлилар, ҳаётини илм-фанга бағишлаган олимлар, маданият ва санъат намояндalари, жонқуяр мураббийлар, спортчиларнинг машаққатли меҳнатини ҳар жиҳатдан қўллаб-қувватлаш ва рағбатлантириш, янгидан-янги зафарлар сари руҳлантириш масаласига алоҳида эътибор қаратилиши замирида ҳам айни мақсадлар мужассамдир.

Ўзбек Миллий академик драма театрида бўлиб ўтган тантанали тадбирга ёзувчи ва шоирлар, олимлар, режиссёрлар, актёрлар, мусаввирлар, санъаткорлар, журналистлар, жамоатчилик вакиллари тақлиф этилди.

Тадбирда миллий маданият ва санъатимиз, оммавий ахборот воситалари ривожини давлатимизнинг доимий эътиборида экани алоҳида таъкидланди. Юртимизда жаҳон андозалари даражасидаги санъат саройлари, маърифат масканлари, театрлар, кўрғазма заллари, болалар ижодиёти учун кўркам бинолар барпо этилаётгани, мамлакат ва халқаро миқёсда турли фестиваллар, кўрик-танловлар муваффақиятли ўтказилаётгани бунинг далилидир. «Со-

ғлом бола йили» Давлат дастури доирасида бу борадаги ибратли ишлар янада кўпайди.

— Президентимизнинг театрларни ҳар жиҳатдан қўллаб-қувватлаш, уларнинг моддий-техник базасини мустаҳкамлаш, соҳа ходимлари меҳнатини қўллаб-қувватлашга қаратаётган доимий эътиборини ўз фаолиятимиз, кундалик ижодимизда ҳис этмоқдамиз, — дейди Ўзбек Миллий академик драма театри актёри, Ўзбекистон халқ артисти Муқаддас Холиқова. — Давлатимиз раҳбари ташаббуси билан театримизнинг 100 йиллик тўйи кенг нишонлангани, театр биноси капитал таъмирланиб, янада кўркам қиёфа касб этгани биз — ижодкорларга улкан совға бўлди. Бу санъат аҳлини ёшлар тарбияси йўлида масъулиятни доимо ҳис этишга, янада фидойилик билан меҳнат қилишга даъват этади.

Тантанали тадбирда сўзга чиққанлар ҳалол ва фидокорона меҳнатни эъзозлаш борасида кўрсатаётган юксак эътибори учун давлатимиз раҳбарига миннатдорлик билдирди.

Мукофотларни Ўзбекистон Республикаси Бош вазирининг ўринбосари А.Икромов топширди.

Бундай тантанали тадбирлар Қорақалпоғистон Республикаси, барча вилоятлар, вазирлик ва идоралар, ташкилотларда бўлиб ўтди.

ЎЗА

ВАТАНИМИЗНИНГ ЮКСАК МУКОФОТЛАРИ ТОПШИРИЛДИ

(Давоми, бошланиши 1-саҳифада)

Ана шундай ютуқларимиз қаторида юқори технологияларга асосланган, рақобатдош маҳсулотлар ишлаб чиқарадиган ўнлаб, юзлаб саноат корхоналари, магистрал йўл ва кўприклар, замонавий транспорт-коммуникация тармоқлари, шифохоналар, мактаб, лицей ва коллежлар, маданият ва спорт масканлари, савдо ва маиший хизмат кўрсатиш объектилари ишга туширилаётгани, кенг қўламадаги ободончилик ишларимиз — буларнинг барчаси ўтиб бораётган 2014 йилнинг эл-юртимиз ҳаётида нақадар ёрқин из қолдираётганидан яққол далолат беради.

Иқтисодиётимизда тобора ҳал қилувчи ўрин эгаллаётган кичик бизнес ва хусусий тадбиркорлик, сервис ва хизмат кўрсатиш, ахборот-коммуникация технологиялари соҳаларида аввал тасаввур қилиш ҳам қийин бўлган юксак натижаларга эришаётганимиз ҳақида кўп гапириш мумкин.

Кейинги йилларда шаҳар ва қишлоқларимиз, бутун юртимизнинг қиёфаси тубдан ўзгариб, янада гўзал ва обод бўлиб бораётгани ҳақида сиз, азизларнинг ҳар бирингиз ўзингиз яшаб турган ҳудуд ҳаётидан кўплаб мисолларни келтиришингиз мумкин.

Айниқса, нафақат мамлакатимиз, балки хорижий давлатларда ҳам катта қизиқиш уйғотаётган дастуримиз, яъни қишлоқ жойларда намунавий лойиҳалар асосида шу йилнинг ўзида 11 мингта шинам уй-жой барпо этилгани қанча-қанча оилаларга хурсандчилик бағишлагани, уларнинг турмуш маданиятини юксалтиришга хизмат қилиши билан эътиборлидир, деб таъкидлади Ислон Каримов.

Биз учун энг муҳим, энг устувор вазифа бўлган ёш авлодимизни соғлом ва баркамол қилиб тарбиялаш, инсон саломатлигини асраш борасида ўзини

аямасдан, жонбозлик кўрсатиб келаётган устоз ва мураббийлар бўладими, шифокорларимиз бўладими — уларнинг олийжаноб меҳнатини бугун албатта хурмат билан тилга оламиз.

Шулар қаторида илму фан, маданият ва санъат, спорт соҳаларида, халқимиз маънавиятини юксалтириш бўйича жорий йилда эришган ютуқларимиз Ватанимизнинг шон-шухратини бутун дунёга тараннум этишга улкан ҳисса бўлиб қўшилганини таъкидлаш лозим.

Бугунги кунда орамизда шундай инсонлар борки, мамлакатимизни барқарор суръатлар билан ривожлантириш, юртимизда ҳеч кимдан кам бўлмайдиган, эркин ва обод ҳаёт барпо этишда, тинчлик ва осойишталик, меҳр-оқибат ва ҳамжиҳатлик муҳитини янада мустаҳкамлашда уларнинг ўрни ва таъсири бекиёсдир, деди Президентимиз.

Бу борада маҳалла, нурунийлар, хотин-қизлар, ёшлар ташкилотлари фаолларининг ҳиссаси гоғат катта экани барчамизга яхши аён.

Бизнинг тинч ва осуда ҳаётимизни, мусаффо осмонимизни кўз қорачигидек асраб келаётган, бугунги нотинч ва таҳликали бир вазиятда шу йўлда кўкрагини қалқон қилишга тайёр бўлган мард ва жасур ҳарбийларимизнинг машаққатли ва шарафли хизматини ҳеч нарса билан қиёслаб бўлмайди. Мана шундай довюрак, ботир ўғлонларимизнинг шонли меҳнатини эъзозлашимиз, қадрлашимиз керак, деди давлатимиз раҳбари.

Сўнгра Президентимиз давлат мукофотларини тантанали равишда топширди.

— Бугун сизларнинг ҳар бирингиз учун ҳақиқатан ҳам унутилмас кун, қутлуг айём, — деди Ислон Каримов. — Ватанимизнинг сизларга берилган нуфузли мукофотлари халқимиз, давлатимизнинг барчангизга билдирган

юксак ишончидан, олийжаноб меҳнатингиз муносиб кадр топганидан далолат беради.

Ватанимизнинг юксак мукофотларига сазовор бўлган барча-барча юртдошларимизга, сиз, азизларга айтадиган табрик ва тилакларим: бундай юксак унвон, орден ва медаллар ҳаммангизга буюрсин, янги ютуқ ва омадлар, бахт, соғлиқ-саломатлик, файзу барак келтирсин. Юртимиз, элимиз омон, осмонимиз мусаффо бўлсин, деди пировардида давлатимиз раҳбари.

Тақдирланганлар номидан сўзга чиққан Ўзбекистон Қаҳрамони, Қамаш туманидаги «Бозор ўғли Абди» фермер хўжалиги бошлиғи Абдимурод Бозоров, Ўзбекистон Қаҳрамони, академик В.Воҳидов номидаги Республика ихтисослаштирилган жарроҳлик маркази бўлим мудири Зайниддин Низомхўжаев, «Эл-юрт ҳурмати» ордени соҳиби, Республика Маънавият тарғибот марказининг Қорақалпоғистон бўлими раҳбари Шарап Уснатдинов, «Фидокорона хизматлари учун» ордени соҳиби, Ўзбекистон Ёзувчилар уюшмаси раисининг ёшлар билан ишлаш бўйича ўринбосари Иқбол Мирзо, «Дўстлик» ордени соҳибаси, гимнастика бўйича Республика олий спорт маҳорати мактабининг бадий гимнастика бўйича мураббийи Татьяна Роговая, «Эл-юрт ҳурмати» ордени соҳиби, «Ўзбекнаво» эстрада бирлашмаси хонандаси Озодбек Назарбеков давлатимизнинг ушбу юксак мукофотлари бундан буён ҳам Ватан тараққиёти йўлидаги фидокорона меҳнатни янада юқори суръат ва шижоат билан давом эттиришга ундашини, янги марраларни эгаллашга илҳомлантиришини таъкидладилар, юксак эътибори ва ғамхўрлиги учун Президентимиз Ислон Каримовга самимий миннатдорлик билдирдилар.

ЎЗА

ОЗОД ВА ФАРОВОН ҲАЁТИМИЗНИНГ ҲУҚУҚИЙ АСОСИ

(Давоми, бошланиши 1-саҳифада)

Ўзбекистон Республикаси Конституцияси байрамининг яна бир муҳим жиҳати, шу куни халқимизнинг эзгу интилишларини ифода этадиган, жамиятимиз ривожига хизмат қиладиган энг устувор йўналишлар белгилаб олинади ва келгуси йилга шунга мувофиқ ном берилади.

Президентимиз Ислон Каримов ташаббуси билан 2014 йил мамлакатимизда Соғлом бола йили деб эълон қилинган эди. Бу борада ишлаб чиқилган Давлат дастури асосида жисмонан соғлом, маънан етук баркамол авлодни тарбиялашга қаратилган комплекс чора-тадбирлар амалга оширилди.

Йил давомида «Соғлом бола — аввало, соғлом ва аҳил оиланинг мевасидир» деган ҳаётий ҳикмат асосида улкан ишлар бажарилди. Давлатимиз раҳбарини ушбу дастурда белгиланган тадбирлар юртимизнинг барча ҳудудларини қамраб олиб, соғлом авлодни тарбиялашдек эзгу ниятларимизни рўёбга чиқаришда давлат ва нодавлат ташкилотлари, ижтимоий тузилмалар, ишлаб чиқариш корхоналари, бизнес вакиллари ўз куч ва имкониятлари билан фаол қатнашгани бу гоғанинг чиндан ҳам умумхалқ ҳаракатиға айланганининг яққол намоёни бўлганини таъкидлади.

Президентимиз Ислон Каримов кириб келаётган янги — 2015 йилни мамлакатимизда Кексаларни эъзозлаш йили деб эълон қилишни тақлиф этди. Давлатимиз раҳбарининг бу тақлифи йиғилганлар томонидан гулдурос қарсақлар билан қўллаб-қувватланди.

Тантанали маросим санъат усталари ва ёш ижрочиларнинг байрам концерти билан якунланди.

ЎЗА

Xabarlar

«Камолот» ёшлар ижтимоий ҳаракатининг Тошкент архитектура қурилиш институти бошланғич ташкилоти ташаббуси билан Уруш ва меҳнат фахрийлари учун республика пансионатида «Эзгу ишда биргамиз» номли хайрия лойиҳаси доирасида тадбир ташкил этилди.

Эзгу ишда биргамиз

Унда институтнинг фаол талабалари ҳамда уруш ва меҳнат фахрийлари иштирок этди.

Тадбир давомида уруш ва меҳнат фахрийлари ҳамда пансионат беморларига эсдалик совғалар топширилди.

Иқтидорли талабалар ижросидаги куй-қўшиқ, сахна томошалари йиғилганлар кайфиятини янада кўтарди.

Кузатувчилар рўйхатга олинди

Марказий сайлов комиссиясининг мажлиси бўлиб ўтди. Унда сиёсий партияларнинг вакиллари, ЕХХТ Демократик институтлар ва инсон ҳуқуқлари бўйича бюроси раҳбари, элчи Даан Эверст бошчилигидаги кузатувчилар миссияси аъзолари, оммавий ахборот воситалари ходимлари иштирок этди.

Мажлисида ЕХХТ Демократик институтлар ва инсон ҳуқуқлари бўйича бюроси кузатувчилари миссиясини рўйхатга олиш тўғрисидаги масала кўриб чиқилди ва бу ҳақда қарор қабул қилинди.

«Ўзбекистон Республикаси Олий Мажлисига сайлов тўғрисида»ги қонуннинг 6-моддасига

мувофиқ сайловга тайёргарлик кўриш ва уни ўтказишга доир барча тадбирларда, шунингдек, сайлов куни овоз бериш хоналарида ва овозларни санаб чиқишда депутатликка номзодлар кўрсатган сиёсий партиялардан биттадан кузатувчи, ОАВ вакиллари, бошқа давлатлар, халқаро

ташкилотлар ва ҳаракатлардан кузатувчилар қатнашиш ҳуқуқига эга. Марказий сайлов комиссиясининг фаолияти ошқора амалга оширилади, мажлислари очик ўтказилади.

Жавлон ВАФОЕВ,
«Turkiston» мухбири

Vatan himoyasi — muqaddas



Юрт посбонларига юксак мукофотлар топширилди

Бош Қомусимизнинг 125-моддасида «Ўзбекистон Республикаси Қуролли Кучлари Ўзбекистон Республикасининг давлат суверенитетини ва ҳудудий яхлитлигини, аҳолининг тинч ҳаёти ва хавфсизлигини ҳимоя қилиш учун тузилади» деб белгиланган. Тинчлик ва тараққиёт асоси, дея эътироф этилаётган Конституция-миз Қуролли Кучларимизнинг фаолиятида ҳам бош ҳуқуқий мезон бўлиб хизмат қилаётир.

Давлатимиз раҳбарининг ташаббуси билан Қуролли Кучларни ислоҳ қилиш ва модернизациялаш бўйича ишлаб чиқилган дастурнинг амалга оширилиши натижасида ихчам, тезкор ва замонавий ҳарбий техника, қурол-яроғ билан таъминланган миллий армиямиз шаклланди. Бугун у мамлакат хавфсизлиги, ҳудудий яхлитлиги ва чегараларимиз дахлсизлиги, халқимизнинг тинч ва осойишта ҳаётини таъминлашга ҳар томонлама қодир.

Бу ҳақда Мудофаа вазирлиги марказий аппаратида Конституция-мизнинг 22 йиллигига бағишлаб ўтказилган байрам тадбирида ҳам таъкидлаб ўтилди. Маросимда Мудофаа вазири, генерал-полковник Қобил Бердиев ҳамда вазирлик ҳузурдаги жамоатчилик кенгаши аъзолари ҳарбий хизматчиларни байрам билан табриклаб, Президентимиз раҳнамолигида олиб борилаётган изчил ислохотлар натижасида мамлакатимиз суверенитети ва ҳудудий яхлитлигини сақлаш, тинч ва осуда ҳаётимизни ҳимоя қилишда мустақам таянчи бўлган Қуролли Кучлар ва Бош қомусимизнинг ўрни алоҳида эканлигини таъкидлаб ўтди.

Байрам тадбирида мустақил-

лигимизнинг 23 йиллиги арафасида Президентимиз фармонида асосан Қуролли Кучларнинг жанговар тайёргарлигини оширишдаги хизматлари, миллий манфаатларимизни ҳимоя қилиш ва тинчликни таъминлаш борасида мардлик, жасорат ва фидойилик намуналарини кўрсатгани учун Ватанимизнинг юксак мукофотлари билан тақдирланган бир гуруҳ ҳарбий хизматчиларга орден ва медаллар топширилди.

— Мен улғур юртнинг бахтиёр фарзандиман. Президентимиз фармони билан шундай юксак мукофотга сазовор бўлдим, — дейди ҳарбий қисм взвод командири, «Жасорат» медали соҳиби капитан Ботирхон Дуйсенов. — Аслида ҳар бир инсон қалбида Ватанга муҳаббат, унга хизмат қилишга истак бўлади. Ҳарбийлик эса ана шу хоҳишни амалга ошириш учун яхши имкониятдир.

Байрам тадбири Қуролли Кучлар Марказий ашула ва рақс ансамбли ҳамда эстрада хонандалари ижросидаги куй-қўшиқларга уланиб кетди.

Рустам ЮСУПОВ,
«Turkiston» мухбири

Намунали бошланғич ташкилотлар аниқланди

«O'zbekyengilsanoat» давлат акциядорлик компаниясида «Хотин-қизлар кўмитасининг энг намунали бошланғич ташкилоти» кўриктанловининг республика босқичи ғолибларини тақдирлаш маросими бўлиб ўтди.



Мамлакатимизда ҳар жиҳатдан соғлом ва баркамол авлодни вояга етказишнинг асосий шартларидан бири хотин-қизлар саломатлигини таъминлаш, уларни аниқ ва манзилли ижтимоий муҳофаза қилиш, аёлларга муносиб меҳнат ва турмуш шароитларини яратишдир. Бу масалага давлатимиз сиёсатининг устувор йўналишларидан бири сифатида қаралмоқда.

Ўзбекистон хотин-қизлар кўмитаси ташкил этган тадбирда Қорақалпоғистон Республикаси, вилоятлар ва Тошкент шаҳридаги корхона ва ташкилотлар, бирлашмалар, маҳаллалардаги бошланғич ташкилот вакиллари,

шунингдек, диний маърифат ва маънавий-ахлоқий тарбия масалалари бўйича маслаҳатчилар ҳамда талаба-ёшлар иштирок этди.

— Бу йилги танловда юртимизнинг турли ҳудудларидаги 25 мингга яқин бошланғич ташкилот қатнашди. Уларнинг 98таси етти номинация бўйича республика босқичига тавсия этилди, — дейди Ўзбекистон хотин-қизлар кўмитаси матбуот котиби Гулжамол Асқарова. — Кўриктанловга «Соғлом бола йили» давлат дастури доирасида мактабгача таълим муассасаларидаги бошланғич ташкилотлар ҳам кенг жалб этилди.

— Фарғона вилоятида 4434та бошланғич ташкилот фаолият юритмоқда, — дейди «Энг намунали умумтаълим мактаби хотин-қизлар кўмитаси бошланғич ташкилоти» номинацияси ғолиби Дилбархон Шокирова. — Мактабимизда аёллар маслаҳат маркази ташкил этилган, унда аёлларнинг ҳуқуқий-сиёсий саводхонлигини ошириш, шунингдек, турмуш шароитида учраган муаммолар юзасидан маслаҳатлар бериб борилади. «Аёлларга эътибор» ойлиги доирасида туман хотин-қизлар кўмитаси раиси, маҳалла фаоллари, тадбиркор аёллар билан учрашувлар ташкил этилади. Шу билан бирга уларни доимий тарзда тиббий кўриқдан ўтказиб бориш, касалликларга қарши профилактика ишлари тизимли йўлга қўйилган. Қизлар ўртасида «Соғлом турмуш тарзи тарафдоримиз» шиори остида кўриктанловлар мунтазам ўтказиб борилади.

Танлов якунига кўра, Навоий вилояти хотин-қизлар кўмитаси бошланғич ташкилотлари умумжамоа ҳисобида 1-ўринни, Наманган вилояти хотин-қизлар тузилмалари 2-ўринни, Фарғона вилояти бошланғич ташкилотлари 3-ўринни эгаллади. Ғолибларга диплом ва эсдалик совғалар топширилди.

Фаровонликнинг ҳуқуқий асоси

Тўрткўл банк коллежида «Ўзбекистон Республикаси Конституцияси — мамлакат тараққиёти ва жамият фаровонлигининг ҳуқуқий кафолати» мавзусида давра суҳбати бўлиб ўтди.

«Камолот» ёшлар ижтимоий ҳаракати Тўрткўл тумани кенгаши ташкил этган тадбирда профессор-ўқитувчилар ва ўқувчи-ёшлар иштирок этди.

Давра суҳбатида ҳуқуқий ислохотлар

моҳиятини кенг оммага етказиш, ёшларнинг ҳуқуқий онги ва маданиятини юксалтириш, аҳоли турмуш фаровонлигини ошириш, ижтимоий ҳимоя тамойилини янада мустақамлашда Бош қомусимиз муҳим аҳамият касб этиши таъкидланди.

Тадбир сўнггида ўқувчиларга мустақиллик йилларида амалга оширилган бунёдкорлик ишлари ҳақида видеоролик намойиш этилди.

Назокат ҚУРБОННИЁЗОВА,
«Turkiston» мухбири

МЕҲР ВА ИШОНЧ ТИМСОЛИ

(Давоми,
бошланиши 1-саҳифада)

Қалби қайноқ ёшларнинг юзиде самимий табассум. Залда эса байрам кайфияти. Кўксиде «Ўзбекистон белгиси» порлаётган йигит-қизларга ҳавасимиз келади.

— Қаранг, — дедим ёнимдаги ҳамкасбимга Хитойнинг Нанкин шаҳрида ўсмирлар ўртасидаги ўтказилган II ёзги Олимпия ўйинларида терма жамоа сардори сифатида юртимиз байроғини майдонга олиб чиққан Бектемир Мелиқўзиевга ишора қилиб. «Ўн саккиз ёшда жаҳон чемпиони бўлиш ҳар кимга ҳам насиб этмайди. Яша, ота ўғил!» дея фахрланиб қўйди шеригим.

Ҳа, бу ёшлар ўзининг куч-ғайрати, шижоати, иқтидор ва салоҳияти билан Юртбошимизнинг «Биз ҳеч кимдан кам эмасмиз, кам бўлмаймиз ҳам!» деган даъваткор сўзларини амалда исботлаётди. Уларнинг саъй-ҳаракати ва эришаётган ютуқлари ҳамиша давлатимиз эътиборида. «Ўзбекистон белгиси» кўкрак нишони ана шундай рағбат ва эътирофнинг ёрқин намунасидир.

Президентимизнинг махсус фармони билан таъсис этилган мазкур мукофот 2003 йилдан буён маънавият, ма-



даний мерос ва умуминсоний қадриятлар негизиде юксак ватанпарварлик, халқпарварлик, фидойилик туйғусини ва меҳнатсеварлик фазилатларини ўзиде мужассамлаштирган, Ватанимиз обрўси, шон-шўхратини юксалтиришга ҳамда унинг халқаро нуфузини оширишга хизмат қилаётган, мамлакатнинг ижтимоий-сиёсий ҳаётида фаол иштирок этиб, намуна кўрсатаётган ёшларга берилади. Эътиборлиси, «Ўзбекистон белгиси» кўкрак нишони ҳар йили мамлакатимиздаги энг йирик ёшлар ташкилоти —

«Камолот» ёшлар ижтимоий ҳаракати томонидан ўз эгаларига топширилади.

Бугунга қадар кўкрак нишонига жами 409 нафар йигит-қиз сазовор бўлди. Жорий

ради. Шундан сўнг «Ўзбекистон белгиси» кўкрак нишонининг бу йилги соҳиблари ҳақида тайёрланган видеоролик намойиш этилди. Ниҳоят, саҳнага мукофот соҳиблари

юрт — Ўзбекистонимиз ишончи рамзидир! Бу ишончини оқлаш эса кишига улкан масъулият юклайди. Шундай онларда қалбдан отилиб чиқувчи дил сўзлари барчани тўлқинлантириб юбориши, шубҳасиз.

Тақдирлаш маросимида сўзга чиққанлар ёш авлод камолоти йўлида кўрсатаётган доимий эътибори ва ғамхўрлиги учун Президентимизга миннатдорлик билдириб, Ватанимиз равнақи ва халқимиз фаровонлиги йўлида астойдил хизмат қилишларини таъкидладилар.

Эстрада хондалари иштирокидаги концерт дастури байрам тантанасига янада файз бағишлади.

Тадбирда Ўзбекистон Республикаси Бош вазирининг ўринбосари А.Икромов қатнашди.

Тантанали маросимдан сўнг мукофотланган ёшлар мамлакатимиз бош майдонидаги «Мустақиллик ва эзгулик» монументи пойига гулчамбар қўйди.



йилда яна 28 нафар тенгдошимиз ушбу мукофот билан тақдирланди. Улар илм-фан, маданият, таълим, соғлиқни сақлаш, санъат, журналистика, спорт, қишлоқ хўжалиги, кичик бизнес, ҳуқуқ ва ҳарбий соҳаларда юксак натижаларга эришган тенгдошларимиздир.

Залда «Ватан» қўшиғи янғ-

кўтарилди. Ҳар бирининг вужудида кучли ҳаяжон, нигоҳида чексиз миннатдорлик ва бахтиёрлик зухур этиб турибди. Ҳатто таниқли актриса ва телебошловчи Райҳон Уласенова ҳам кўксига «Ўзбекистон белгиси» кўкрак нишони тақилганда ҳаяжонини яшира олмайди. Негаки, бу нишон она



Махсуд Маллаев,
Тошкент тиббиёт академияси онкология ва нур ташхиси кафедраси ассистенти:

— Юртимиз олимлари жаҳон илм-фанида ҳамиша ўз ўрнига эга бўлиб келган. Бугун ҳам улар исталган мамлакат олимлари билан бемалол илмий мунозарага кириша оладиган даражада. Тиббиётда ҳам шундай. Ўқиш ва илмий фаолиятим давомида Туркия, Исроил, Италия, Ирландия, Россияда малака оширдим. Ўтган йили Европа онкология мактабининг «Клиник онкологияда молекуляр ташхислар» ўқув курсини муваффақиятли тамомладим. Қаерга бормаи, ўзбек ёшларининг интеллектуал салоҳияти, юртимиздаги илм-фан ривожини ва бу борада эришган ютуқларимиз юқори эътироф этилади. Бошқача бўлиши ҳам мумкин эмас. Ахир, биз дунё тиббиёт илмининг отаси дея тан олинган буюк Ибн Синонинг авлодимиз. Шунга муносиб ақл-заковат бобида бошқаларга ҳамиша ўрнак кўрсатиб, илм йўлида катта қадамлар ташламоғимиз даркор. Бу эса кишидан фидойилик ва матонат талаб қилади. Шўқрки, юртимизда иқтидорли ёшларни қўллаб-қувватлаш, рағбатлантиришга давлат даражасида эътибор қаратилмоқда. Ҳозир мен Ўзбекистонда нисбатан янги йўналиш — молекуляр онкология бўйича илмий изланишлар олиб боряпман. Тадқиқотим натижалари онкологик касалликларни самарали даволашда қўл келиши мумкин. Шифокор инсон ҳаёти учун курашади. Масъулияти ҳам шу қадар улўф. Бироқ айни чоғда «Ўзбекистон белгиси» кўкрак нишонини қўлимга олиб, зиммамдаги масъулият бир неча чандон ортганини сездим. Демак, бундан кейин мен нафақат яхши балки энг яхшиси мутахассис бўлишга интилишим керак.

Баҳодир Адилчаев,
Кегейли туманидаги «Худияр Ахун» фермер хўжалиги раҳбари:

— Мен истиқлол тенгдошиман. Юртимизда жадал ривожланаётган фермерлик соҳасида ўз ўрнини топдим. Бундан тўрт йил аввал, шахсий хўжалигимни ташкил этганда ҳали талаба эдим. Ҳозир эса туманимизда менга ҳавас қилиб, фермер бўламан деган ёшлар талайгина.

«Камолот» ёшлар ижтимоий ҳаракати тадбиркорликда ўз қобилиятимни намойиш этишимда яқиндан ёрдам берди. 2012 йилда Ҳаракатнинг «Ёш тадбиркор — юртга мададкор» лойиҳасида қатнашиб, имтиёзли кредит олдим. Шунинг эвазига ўтган йилдан фермер хўжалигида пахта ва галла етиштириш билан бирга, боғдорчилик ва ба-лиқчиликни ҳам йўлга қўйдик.

Меҳнат қилган, қадр топади. Мамлакатимизда билимли ёшлар ҳамиша Юртбошимиз ҳамда давлатимиз эътиборида. Менга топширилган «Ўзбекистон белгиси» кўкрак нишони тимсолида шуни чуқур ҳис қилдим. Энди белни маҳкам боғлаб, янада юксак марралар сари интиламан. Фермерлик ва тадбиркорлик соҳаларида сидқидилдан меҳнат қилиб, мамлакатимиз иқтисодиёти равнақиға муносиб ҳисса қўшиш ниятим бор.



Ленара Асанова,
ўқ отиш бўйича Ўзбекистон терма жамоаси аъзоси, спорт устаси:

— Саккиз йилдан буён профессионал спортдаман. Жаҳон ва Осиё чемпионатлари, кўплаб халқаро мусобақаларда она юрт шарафини ҳимоя қилиш насиб этди. Ҳар гал беллашувга чоғланганимда менга бутун Ўзбекистон халқи умид ва ишонч билдирганини ҳис қиламан. Бу кишига қанчалик мадад беришини билсангиз эди! Чемпион бўлиш шарафли, албатта. Лекин ўз юртингда сени фақат чемпион бўлганинг учун эмас, шу халқ фарзанди бўлганинг учун, уни деб жонингдан кечишга-да тайёрлигинг учун эъозлашса, бундан ортиқ бахт бўлмаса керак.

Бугун мен «Ўзбекистон белгиси» кўкрак нишони билан тақдирландим. Ушбу мукофот жаҳон ареналарида қўлга киритган медалларимнинг ҳеч қайсисидан кам эмас. Балки эришган ютуқларим ичиде энг ардоқлисидир. Чунки унда «Ўзбекистон» номи бор. Нишонни кўксимга тақиб, Ватанимнинг қайноқ тафтини туйдим. Гўё бутун Ўзбекистон мени ўз бағрига босгандек! Шундай ишончға муносиб кўрилганимдан бошим кўкка етди. Ваъда бераман: спортда юқори марраларни забт этиб, юртимиз байроғини баланд кўтараман!



Наргиза УМАРОВА, Рустам ЮСУПОВ,
«Turkiston» мухбирлари.
Рустам Назарматов олган суратлар

Biznesga ilk qadam



Навоийлик Севара Хамроева қўли гул хунарманд. Етти йилдан буён кашта тикади. Шу кунга қадар йигирма нафардан зиёд шогирд тарбиялади.

Бу йили тенгдошимиз Кармана озиқ-овқат саноати ва меҳмонхона хўжалиги коллежини тамолаб, тадбиркорлик фаолиятини йўлга қўйди. «Камолот» ёшлар ижтимоий ҳаракатининг «Ёш тадбиркор — юртга мададкор» лойиҳасида

голиб бўлди. Ҳозир ўзи истиқомат қилаётган «Малиқобод» маҳалласида тикув цехини очган.

— Миллий услубдаги келинлик либослари, кашта безакли дўппи, чойшаб, дастурхон ва сўзаналар тикиб чиқаряпмиз, — дейди Севара Хамроева. — Цехда беш нафар коллеж битирувчиси доимий иш билан банд. Яна ўнлаб шогирдларим, асосан, маҳалладаги ёш аёллар, каса-

начилик асосида ишляпти. Бир ойда 1,5 миллион сўмгача даромад кўраимиз. Келгусида хусусий корхонамни ташкил қилмоқчиман. Бунинг учун «Камолот» ЁИХ кўмагида банкдан 15 миллион сўм миқдорида имтиёзли кредит олдим. Замонавий тикув машиналарини харид қилиб, маҳсулотлар турини кўпайтирамиз.

Наргиза БАҲОДИРОВА

Бузилмаган ҳалиён қиссаси


Ривоят қилишларича, қадимда подшоҳ ҳузурига бир киши келиб: «Шоҳим, мен минг тилла маблағимни бир ҳамёнга солиб, оғзини эритилган мум билан қоплаб, муҳраб бир одамга омонатга берган эдим. Маълум муддатдан кейин омонатни олдим. Очиб қарасам, пулимдан юз тилласи кам чиқди. Буни ҳалиги одамга айтсам: «Муҳринг бузилмаган бўлса, ҳамённинг йиртиқ жойи бўлмаса, қандай кам чиқиши мумкин? Сен ўзинг аслида тўққиз юз тилла солган экансан-да, — деб тан олмади. Ноилож, сизнинг ҳузурингизга арз билан келдим», — дебди.

Подшоҳ бу иш икки кундан кейин ҳал бўлишини айтиб, уни жўнатиб юборибди. Подшоҳ мулоҳаза қилиб нозик усул билан тафтиш ўтказиш лозимлигини тушунибди. Унинг атласдан тикилган чиройли болиши бўларди, подшоҳ ўша болишнинг бир четини йиртибди-ю, хонасидан чиқибди. Жой йиғувчи хизматкор аёлнинг кўзи йиртилган болишга тушиб, бу ҳолни эрига айтибди. Эри: «Бу ишнинг чорасини кўраман», —

дебди-ю, болишни ямоқчи дўстига олиб борибди. Ямоқчи ўз ишининг ниҳоятда устаси эди, болишни аввалгидай қилиб ямаб берибди, хизматкор аёл эса уни ўз жойига қўйибди. Подшоҳ кечқурун келиб болиш бус-бутун эканлигини кўрибди. Хизматкорларидан болишни ким ямаганини сўраб, билиб, ўша ямоқчини олиб келишларини буюрибди. Подшоҳ ундан: «Яқин ўртада бир ҳамённи ямаганмидинг?» — деб сўрабди сиёсат билан. Қўрқувга тушган ямоқчи бир одам ҳамён олиб келганини, икковлашиб йиртиб, ичидан юз тилла олганларини, кейин ҳамённи яна билинмайдиган қилиб ямаб қўйганини, бу хизмати учун ўн тилла олганини рўй-рост айтиб берибди. Хуллас, омонатга хиёнат қилган одам тегишли жазосини олибди ва тилла ўз эгасига топширибди.

(«Ривоятлар ва ҳикоятлар» китобидан)

Milliy qadriyatlarimiz



ДўППИ

Ҳар бир миллатнинг ўзига хослигини кўрсатиб турадиган рамзлари бўлади. Дўппи — ўзбек халқининг ана шундай тилмоларидан бири. Унинг оддий бош кийим қаражасидан аллақачон қадрият мақолига етгани ҳақида орфтиқча сўз айтиш шарт эмас. Шунчаки, уни кўлга олиб, қикқай билан разми солинса, бас.



қараб, қайси ҳудудга тегишли эканини билиш мумкин. Масалан, ироқи ҳамда гилам дўппи Шаҳрисабз ва Китоб туманлари-

да тикилса, чуст дўппи асосан, Наманган, Фарғона ва Тошкент вилоятларида, зардўзи, гулдўзи дўппилар Бухоро вилоятида тайёрланади. Ироқи дўппи ироқи чокидан тикилгани боис шу ном билан аталади.

Дўппилар ипак ва баҳмалдан тикилади. Эркаклар учун тикиладиган дўппига бодом ва қалампирмунчоқ тасвири туширилади. Бодом баҳор, янгиланиш рамзи ҳисобланса, қалампирмунчоқ расми ёмон кўзлардан асрайди, деган ишонч билан солинади. Дўппиларнинг пастки қисмидаги ўн олти пештоқли ҳошиялар эса оилада эр кишининг бош бўлиши, серфарзанд, сердавлатлик белгиси ҳисобланади.

Қадимда дўппиларни нафақат тўртбурчак, балки учли конуссимон шаклларда тикиш ҳам урф бўлган. Бундай дўппилар Шаҳрисабз ва Китоб туманларида тайёрланган.

Асила ИБРОҲИМОВА тайёрлади.



Зукко мухлисга савол:

Юнон тарихчиси Квинт Курций Руф у ҳақда: «Сугдиёнанинг катта қисмидан маҳаллий аҳоли Политимет деб атайдиган дарё оқиб ўтади. У аввал тор ўздан оқади, сўнгра тор зорга оқиб тушади ва ер остида кўздан ғойиб бўлади. Бироқ дарёнинг шариллаган товуши эшитилиб туради, ер усти доим зах», деб ёзган. Шунингдек, Страбон, Наршахий сингари яна кўплаб муаррихлар асарларида ҳам бу дарё алоҳида таърифланади. Мутахассислар унинг суви таркибида бошқа дарёларга нисбатан фосфор миқдори кўплиги боис, у билан сугорилган экин майдонларида ҳосил мўл бўлишини аниқлаган.

Айтинг-чи, гап қайси дарё ҳақида бормоқда?

Жавобингизни 9 декабрь соат 16:00га қадар 233-79-69, 233-95-97 рақамлари орқали билдиришингиз мумкин. Тўғри жавоб йўллаган мухлислар номи газетамизда эълон қилинади.

Ўтган сондаги саволнинг жавоби: Қори Ниёзий.

Ангрен шаҳридан Баҳодир Каримов, Чуст туманидан Камола Ҳақимова тўғри жавоб йўллади.

Тафаккур ҷиммонидан бир қатра

Ишбилармон, мардлик ва шижоат соҳиби, азми қатъий, тадбиркор ва ҳушёр бир киши, минг-минглаб тадбирсиз, лоқайд кишилардан яхшидир.

Амир Темур